



07187

光緒七年中冬之月



南宋古蹟攷

陳豪題眉

武林  
丁氏  
重雕

光緒七年中冬之月

南宋古蹟攷卷上

六

錢塘

朱彭

輯

番城郭攷

宋史高宗本紀建炎三年升杭州爲臨安府紹興

八年定都心史云宋行在十三門咸淳志紹興二

年霖雨城壞二十八年增築內城及東南之外城

附于舊城凡十三門東曰便門候潮保安新門崇

新東青艮山西曰錢湖清波豐豫錢唐南曰嘉會

門北曰餘杭水門五曰保安曰南水曰北水曰天宗

曰餘杭元張翥蛻菴集有臨安故城圖詩

南宋古蹟攷卷上

外城門

便門在東紹興二十八年增築又設西華東便二

門游覽志候潮門在東而近南宋時有便門保安

門今廢夢梁錄云沿寨向南有便門謂之東便門

萬厓杭州府志候潮門外東爲期清坊舊便門街

又云宋瓦舍有便門瓦

候潮門在東方輿勝覽云紹興三十八年殿前都

指使楊存中乞通展皇城十三丈以五丈作御路

六丈作民居將來聖駕親郊由候潮門徑從所展

南御路直抵郊臺門外欄木橋夫差廟諸跡錢唐遺

事高宗嘗宴大臣忽見張循王有玉孩兒扇墜上  
識是墜十年前往四明誤墮于水屢尋不獲乃詢  
張復遣根問云于候潮門外陳宅厨娘買得厨娘  
因破黃花魚得之奏聞上大悅以爲失物復還之  
兆

保安門 在東俗呼小堰門考通江橋本名慶元橋  
北爲太醫局又東爲保安門

新門 在東俗呼草橋都城紀勝云城東新開門外  
有富景園五柳園癸辛雜志云東都盛時無賴男  
子以色圖衣食吳俗此風尤甚新門外乃其巢穴

南宋古蹟攷卷上

二

皆傅粉盛妝飾善針指呼謂亦婦人其爲首者號  
師巫行頭

崇新門 在東俗稱薦橋門今名清泰當時門內有

崇新橋崇新巷皆以城得名夢梁錄云仲春十五  
日爲花朝節崇新門外長明寺建佛涅槃勝會觀  
者紛集竟日不絕葦杭紀談紹興中臨安府崇新  
門鹿苑寺乃殿帥楊存中特建以處北地流寓僧  
人一歲元宵側近營婦連夜入寺觀燈有殿司將  
官妻同一女觀燈爲寺僧引入宿于幽室事覺毀  
其寺西湖志餘宋時楊德溫居崇新門外插枯竹

以引薜荔月餘枯竹復生未幾其妾溺水死明年竹園忽發兩歧扶疎可愛未幾其妹死乃知反常之物非吉兆也夷堅志云臨安薦橋門外米市橋之傍有賣琪豆者腰閒生尾長四尺餘每用纏縛數匝乃得出常爲市中小兒窘迫必求觀乃止

東青門 在東俗呼菜市門在菜市橋東今東青巷卽城之舊址也游覽志門之左宋有皇城司營武安泉水甚佳

指南錄序阜亭山距脩門三十里接脩門卽良山門也

南宋古蹟攷卷上

三

良山門 在東今俗呼壩子門咸淳臨安志云走馬塘在良山菜市門外平坦可馳馬故名舊有花柳號城東新路

錢湖門 在西今塞萬厯錢塘志云在清波門南內傍雲居山門北有海子口出城內諸山水西湖游覽志門之內有牙兵寨虎翼營教駿營騏驎營白鱸井夷堅志步司將狄訓練五更至錢湖門覺有物觸足取視則一巨蟹長三尺形模怪醜執送於家坐假寐夢一人綠袍軟幘持手板揖曰某乃西湖判官

清波門 在西門外右流福水橋咸淳四年建以引湖水入城亦稱暗門故畫院劉松年居此人稱暗門劉陸游夜泛西湖云騎馬出闇門指此周必大二老堂雜志云壬午三日己亥晴與芮國器程泰之蔣子禮出闇門上風篁嶺高翥春日湖上詩又有清波門外放船時句泊宅編建炎己酉秋杭州清波門裏竹園山平地湧血須臾成池腥聞數里明年金人殺戮萬人卽暗門竹園山也

竹園山臨安志云在府治西南吳山一脈獨趨而北隱隱隆起陰陽家以爲治所主山安

南宋古蹟攷卷上

四

撫趙與簷建閣其上平鑑西湖理宗御書竹山閣後撫魏克愚徙其閣而山漸弛爲平地陸游夜泛西湖示桑甥世昌 嗟我客上都忽已見

暮春騎馬出闇門眯眼吹紅塵西湖爲賈區山僧多市人誰令污泉名只合加冠巾黃冠更可憎狀與屠沽鄰躡躡酒肉氣吾輩何由親少頃一閒散境寂鷗自馴舉手邀素月移舟來青萍鐘從南屏來殷殷浮煙津鶴髮隱者歟長樂取釣緝畏冷不竟夕恨此老病身明發復擾擾吾詩其絕麟

高翥春日湖上 清波門外放船時盡日輕寒戀客

衣花下笑聲人共語柳邊檣影燕初飛曉風不定  
棠梨瘦夜雨相連薺麥肥最憶故山春更好夜來  
先遣夢魂歸

僧揮寶月山作調寄詠衷情 清波門外擁輕衣楊

花相送飛西湖又還春晚水樹亂鶯啼 閉院字

小簾幃晚初歸鐘聲已遠篆香纔點月到門時

擢字

殊仲

豐豫門 在西亦名湧金 宋名湧金紹興築城改

爲豐豫夢梁錄湧金池在豐豫門內考資治通鑑  
建炎二年韓世忠敗苗翊勤王兵入北關苗傅劉

南宋古蹟攷卷上

五

正彥趨都堂取鐵券擁精兵二千夜開湧金門以  
走蘇幼安秋堂墓志云淳佑八年柴秋堂望以上  
丙丁龜鑑下獄趙京尹疏救之放歸田里設祖道  
湧金門外者若鄭震吳陵葉元素朱繼芳等凡十  
三人皆一時名流俞德鄰次韻趙提舉詩云湧金  
門酒甜如蜜知當日湧金門酒亦甚著名乾道臨  
安志政和六年郡守徐鑄以豐豫墮損命鈐韓楊  
靖重建頗極壯麗榜曰湧金樓

施樞湧金門外 柳絲舞困起炊煙羅綺相催欲上

船貴冷亦知春有夜暖沙還付白鷗眠

貢性之湧金門外見柳 湧金門外柳垂金三日不  
來成綠陰折取一枝入城去教人知道已春深  
張孝祥鷓鴣天詞 日日青樓醉夢中不知樓外已

春濃杏花未溼疎疎雨楊柳初搖短短風 扶畫

鷓躍花驄湧金門外小樓東行行又入聲歌裏人

在珠簾第幾重 山其門 山之行 梁益

錢塘門 在西紹興二十八年增築杭城西四門曰

錢湖清波豐豫錢塘此錢塘名門之始宋史歐陽

守道以言罷徒出錢塘門惟書兩篋而已

王同祖湖上早行 錢塘門外買湖船霧氣衝雲水

南宋古蹟攷卷上

六

接天只有蘇隄金線柳半籠斜日半籠煙

嘉會門 在南通江路大街後代猶存嘉會弔橋游

覽志云馬倉巷北卽宋嘉會門按宋紹興增築城

外名南門曰嘉會時南門包絡宮門最爲長展西

際慈雲嶺東沿包山其門偏在包山之下夢梁錄

云嘉會城樓綉綵爲諸門冠蓋此門爲御道遇南

郊五輅從此幸郊臺

陸游四鼓出嘉會門赴南郊齋宮 客游梁益半吾

生不死還能見太平初喜夢魂歸帝所更驚老眼

看都城九重宮闕晨霜冷十里樓臺落月明白笑



蒼顏君勿笑少年慣聽舜韶聲

餘杭門 在北成化杭州府志杭人舊有十三門惟

餘杭門在北不得出居人之構亦名北關岳珂有

望北關門宋史苗傅傳苗翊馬柔吉以兵阻河韓

世忠率先鋒力戰後與光世乘之翊敗走勤王兵

入關

王銓繫舟餘杭門訪西湖金輪寺參上人 北郭望

西湖微徑幾尋尺淡與人意長寒雲正無色深尋

幽禪居步轉蒼山側落葉不可記遮盡山下石師

方無定居我亦何所適四海莽無歸老矣山中客

南宋古蹟攷卷上

七

百年熟機緣還此共禪寂語罷古今分座上有陳

迹一笑視此生何事非戲劇開門納遙峰暮雨一

江白茲遊非世逢歸路晚蕭瑟積陰迷曉昏鐘聲

報將夕

姜夔出北關 吳兒臨水宅四面見行舟蒲葉浸鷺

項楊枝薰馬頭年年人去國夜夜月當樓傳語城

中客功名半是愁

葉紹翁出北關一里詩 脫衣命僕洗塵埃籬落人

家未見梅出得城門 能幾步船頭便有白鷗來

張輯乙未之秋高郵朱吏君錢唐北關舟中調寄祝

英臺近 客西湖聽夜雨更向別離處小小橋窗  
香雪照樽俎斷腸一曲秋風行雲不語總寫入征  
鴻無數 認眉嫵喚醒巖壑風流丹沙有奇趣羨  
煞秦郎淮海漫千古要看自作新詞雙鴛飛舞趁  
月底重修簫譜

保安水門 在東夢梁錄云保安水門河通跨浦橋

與江相隔游覽志茅山河入保安水門過保安橋  
過軍橋折而北合流通江橋

南水門

北水門

南宋古蹟攷卷上

八

天宗水門 成化杭州府志舊又有天宗門俗呼爲

小北門余考水門卽在此地萬厯府志上堰在天  
宗門外咸淳志南自天宗水門餘杭水門二河合

於北郭稅務前仁和縣志天宗棧庫在天宗水門

內

餘杭水門 都城紀勝云北關水門內有水數十里

曰白洋湖 考元時禁天下修城以示天下一統

內外城隍日爲居民所平至正十六年張士誠據

有浙西十九年發松江嘉興湖州杭州民夫復築

焉以舊城包山距河故南北長峙則自良山門至

清泰門以東視舊則拓開三里而絡市河于內自  
候潮以西則縮入二里南截鳳山門子外故東西  
比舊差廣東無便門保安二門北增天宗北新二  
門仍十有三而南宋之城址已不無更易矣夢梁  
錄云諸門內便門東青艮山皆甕城水門俱平屋  
其餘旱門皆造樓閣諸城壁各高三丈餘橫闊丈  
餘禁約嚴切人不敢登二老堂雜志臨安土人諺  
南云東門菜西門水南門柴北門米蓋東門絕無居  
民彌望菜圃西門則引水注城中以水舟散給坊  
市嚴州富州富陽之柴聚于江干由南山入蘇湖  
米則來自北關云

南宋古蹟攷卷上

九

內城門

南麗正門 咸淳臨安志云紹興二年九月南門成

詔名曰行宮之門三年詔梁汝嘉創廊廡于南門  
之內鼠璞云行在南內門名麗正蓋取重離麗正  
之義夢梁錄云大內正門曰麗正其門有三皆金  
釘朱戶畫棟雕甍覆以銅瓦鐫鏤龍鳳飛驤之狀  
巍峩壯麗光耀溢目左右列百官侍班閣子登聞  
鼓院檢院相對悉皆紅杈子排列森然門禁嚴甚  
武林舊事冬至或元旦有事南郊自嘉會門至麗

正門計九里三百二十步皆潮沙填築其平如席  
以便五輅往來肆赦日自文德殿詣麗正門御樓  
夢梁錄云駕詣景靈宮有大旗名蓋天旗立於麗  
正門外咸淳志云門外卽儀鸞司營考雲麓漫鈔  
麗正門以鳳凰山作案山山盡處卽嘉會門則知  
此門正對鳳山其址至今可意度也

北和寧門 在鳳凰山左游覽志般若寺卽和寧門  
遺址夢梁錄云內後門名和寧在仁孝登平坊巷  
之中亦列三門金碧輝映與麗正同把守衛士嚴  
禁如人出入守闔人高唱頭帽號門外列百僚侍

南宋古蹟攷卷上

十

班閣子左右排紅杈子左設閣門右立百官待漏  
院古杭夢游錄自大內和寧門新路南北寶玉珍  
異及花果時新海鮮野味奇品悉集于此公主下  
降日駙馬至和寧門易冕服又云院子小園子等  
人祇直和寧門外紅杈子早市買賣市井最甚夷  
堅志臨安內北門外西邊小巷民孫三者居之每  
旦攜熟肉出常戒其妻曰照管貓兒一日忽曳索  
出到門妻急抱回見者皆駭貓乾紅深色無不羨  
歎浸達內侍之耳竟以錢三百千取之內侍欲調  
馴爰帖乃進已而色澤漸淡及半月全成白貓走

訪孫氏已徙居矣

楊萬里初夏清曉赴東宮講堂經和寧門外賞花市

詩其剩雨殘風一向顛花枝酒盞雨無緣忽逢野

老從湖上擔取名園到內前芍藥截留春去路鹿

蔥交上夏初天眾紅半霎聊經眼不枉皇州住二

年

東華門 夢梁錄入登平坊沿內城有內門曰東華

守禁尤嚴內城向南皆殿司中軍將卒立塞名中

軍聖下寨門外俱有護龍水池又云士人赴殿試

入東華門各行搜檢方行放入武林舊事公主下

南宋古蹟攷卷上

十一

降先擇日宣召駙馬至東華門引見便殿及吉期

又至東華門用雁幣

考登平坊舊在清平山巷對清平山卽今高土坊

巷斜對六部橋宋六部二十四司卽在此地

西華門 據武林舊事增入咸淳臨安志所載惟有

南北東三門考咸淳臨安志紹興十八年名南門

麗正北曰和寧東苑門曰東華二十八年增築皇

城其城周迴九里玉海云紹興二年南門成名曰

行宮門十八年築皇城東南之外城五百四十一

丈更名西南門曰嘉會門文獻通考高宗詔百官

特許乘轎惟不入皇城

王同祖夜步內門詩 靜夜高燈人未眠等閒行過  
內門前一聲唱徹連珠啞碧月朱欄綠柳邊

### 宮殿考

宋史地理志建炎三年閏八月高宗如臨安以州  
治爲行宮揮塵餘話云車駕初至臨安霖雨不止  
葉夢得言州治屋宇不多六宮居必隘窄上曰亦  
不覺窄但卑溼耳然自過江百官六軍皆失所朕  
何敢求安行在所錄紹興元年十一月詔守臣措  
置修內司乞造三百間詔減二百余考藝祖宮中

### 南宋古蹟攷卷上

三

止用赤白爲飾仁宗命欄楯撤去朱綠之采建炎  
間高宗至杭命內臣楊公弼徐康國勅行宮務使  
簡約去華飭遵祖制也乾道臨安志云紹興七年  
二月降詔巡幸建康府紹興八年三月移蹕臨安  
下詔曰昔在光武之興雖定都于洛而車駕往返  
見于前史者非一用能奮揚英威遍行天討上繼  
隆漢朕甚慕之朕荷祖宗之休克紹大統夙夜危  
懼不常厥居比者巡幸建康撫綏淮甸旣已申固  
邊圉獎率六軍是故復還臨安內修政事繕治甲  
兵以定基業非厭霜露之苦而圖宮室之安也故

茲詔諭想宜知悉按徐一夔行宮考云今以地度之南自勝果入路北則入城環至德侔天地牌坊東沿河西至山岡自平陸至山岡隨其上下以爲宮殿雲麓漫鈔政和五年東都築土山于景龍門之側以象餘杭之鳳凰山最高一峰賜名神運昭功封磐固侯亦名鳳凰山後神降有良嶽排空霄之語以在都城之良方故曰良嶽南山成易名壽嶽都人且曰萬歲山所謂餘杭鳳凰山卽今臨安府麗正門之正面案山山之盡處卽嘉會門山勢自西北來如龍翔鳳舞掀騰而下至鳳凰山止分

南宋古蹟攷卷上

三

左右翼大內在山之左掖後有山包之第二包卽相府第三包卽太廟第四包卽執政政府包盡處卽朝天門端誠殿在山之右掖後有山包之第二包卽郊壇第三包卽易安齋第四包卽馬院東南卽大江西爲西湖北爲平湖地險且壯實一都會其先兆于東都爲山之時

外朝正殿考

文德殿

紹興十二年建行在所錄謂之正衙六參官起居百官聽宣布于此宋史紹興十三年閏四月十七日冊貴妃吳氏爲皇后前期于文德殿內

設東西房東西閣夢梁錄元旦禁中景陽鐘罷百官皆冠冕朝服諸州進奏吏各執方物之貢諸外國正副賀正使隨班入賀上御正衙禁衛人高聲嵩呼聲甚震爲繞殿雷百僚俱鞠躬聽宣制曰履茲新慶與卿等同考行在所錄凡上壽則曰紫宸殿朝賀則曰大慶殿宗祀則曰明堂殿策士則曰集英殿四殿皆卽文德殿隨事揭名

楊萬里文德殿聽麻仍拜表 蒼龍觀闕啟槐宸白  
紫玉堦除振鷺羣仗外諸峰獻松雪霜前一雁度宮  
雲舍人就日宣麻制丞相瞻天進表文風退自欣

南宋古蹟攷卷上

古

還自笑素餐便當策殊勳

紫宸殿 上壽之所夢梁錄宰執親王百官過皇太后殿上壽起居舞蹈嵩呼回詣紫宸殿宴程史端慶節上壽紫宸殿百官皆賜食余侍班南廊老兵持二髹牌至金書其上曰輒入御廚流三千里周必大傳上始以內禪意諭二府二月辛酉朔降傳位詔翌日上吉服御紫宸殿又考金國賀正旦使人亦宴于此

魏了翁紫宸殿詩 珂繖搖心夢不成忽聽吏早放  
衙聲吹燈撥火供晨粥趁到皇城御六更 有次



鞭鞘陸續鳴楮袍當殿萬簪纓羣臣拜舞分行坐  
十味肴饅酒五行 蹴鞠尋幢列廣廷接絲吹竹  
布前榮卿郎朶殿渾無見只聽時時萬歲聲 蛾  
眉班捲戴花回遙望君王玉色開畫楯諸班謝茶  
酒尻高首下一聲雷

劉燾金國賀正且使人到闕紫宸殿宴榆關玉塞  
靜無塵嘉定于今第四春兩國交馳通好使八方  
同作太平人翠鼉鼓奏娛佳客白獸尊浮賞諫臣  
聖庥欲茲天共遠年年玉帛會楓宸

大慶殿 朝賀之所郊前三日百官奏請皇帝致齋

南宋古蹟攷卷上

五

于大慶殿南渡典儀云淳熙十三年太上八十正  
月元日再舉慶典其日文武百僚集大慶殿夢梁  
錄云麗正門內正衙卽大慶殿遇明堂大禮正朔  
大朝會俱御之又云元旦朝會駕坐大慶殿有介  
冑長大武士四人立于殿陛之角謂之鎮殿將軍  
殿西廡皆列法駕鹵簿儀仗龍墀立清涼繖十把  
效太宗朝列諸國王班次如錢武肅孟蜀王等也  
宋史乾道元年立皇太子十月十六日皇帝御大  
慶殿行冊禮皇太子服遠遊冠朱明衣執桓圭前  
期習儀

明堂殿 宗祀之所紹興四年八月壬寅知臨安府  
梁汝嘉奏明堂行禮殿成九月辛酉祀明堂行宮  
記作端誠殿

夢梁錄太廟在瑞石山紹興間建正殿十三  
室十三室者太祖太宗真宗仁宗英宗神宗  
哲宗徽宗欽宗高宗孝宗光宗寧宗各一室  
也咸淳添置一室奉理廟神主通爲十四室  
皆正中蓋終宋之世未有祧廟也前人未有  
論及者攷中無太廟一條姑附于此

任希夷請御明堂齋殿 肇舉明禋預戒期請臨齋

南宋古蹟攷卷上

六

殿御簾帷廊頭萬旅皆花帽殿下千官盡絳衣玉  
輅時嚴三歲禮慶霄遙望五雲飛小臣頭白供籩  
豆親見虞廷覽德輝

王廷珪明堂侍祠詩 唱徹嚴更鳳鑰開侍祠濟濟  
列崇陔小臣亦忝廊西獻惟秉温恭對越來 玉  
佩珊珊出禁扉金蓮分炬散芳菲祠班咫尺臨黃  
道惹得天香滿袖歸

集英殿 策士之所上御集英殿拆號唱進士名武  
林舊事上御集英殿唱進士名狀元賜酒五盞餘  
人各賜泡飯夢梁錄云四月初九日度宗生日平

章宰執親王南班百官入大內起居稱賀隨班從  
駕過皇太后起居畢回集英殿賜宴又云士人殿  
試前三日宣押知制誥詳定考試等官赴學士院  
鎖院命御策題然後宣約赴殿士人詣集英殿起  
居就殿廡賜坐引試依圖分廡坐定各賜印刊策

垂拱殿

洪咨夔集英策士待宣于內軍器庫廊詩 漢廷興  
目策英豪挽釣知誰首掣鼇百日紅迎綸閣迥萬  
年枝拂禁城高內廊坐承風生席輦路歸遲月映  
袍西抹東塗渾忘卻一絢短雪不堪搔

南宋古蹟攷卷上

七

劉燾瑞慶聖節集英殿宴 皇家卜世過周唐天啟  
真人應運翔抱日預占恭邸夢飛龍曾報皖山祥  
翠雲影外來金母紅霧香中擁玉皇樂府賦工無  
以祝願將金鑑代珠囊

垂拱殿 紹興十二年十一月庚子命內侍王晉錫

作崇政垂拱二殿時言者請復朔日觀朝之禮而  
行宮止一殿故改作焉夢梁錄云垂拱殿常朝四  
參起居之地聖節上坐垂拱殿上壽禮畢再坐紫  
宸殿宋史清祐五年二月十二日進孝宗光宗兩  
朝御集寧宗實錄及理宗玉牒日厯其日皇帝御

垂拱殿提舉等官奉迎諸書至和寧門步導至垂拱殿各取合進呈書匣升殿陳隨應行宮記垂拱殿五門十二架長六丈廣八丈四尺簷屋三門長廣各丈五朵殿四兩廊各十二間殿門三間內龍墀折檻殿後擁舍七間爲延和殿按殿址在鳳凰山麓卽報國寺又按考古錄云南自茗帚灣北至柳翠橋皆報國寺界則垂拱殿址可想見矣  
任希夷侍班二首 虎旅分行鐵作搗殿前拜舞口聲譁輔臣對罷無公事日照金鋪扇影斜 閭闔新開露氣清舉鞭連騎入承明絲絢同傍班墀立

南宋古蹟攷卷上

六

廣殿前瞻御榻橫

內朝後殿

崇政殿 卽祥曦殿淳熙六年與後殿同建陳隨應記云自北宮門循廊而左巨鐙幕次列如魚貫轉南爲神曦殿朵殿西接修廊爲後殿武林舊事后出宮至祥曦殿上升龍輦出和寧門至皇后家賜筵宋史崇政殿說書故左史兼紹興二年万俟卨羅汝楫並兼講讀綱目紹興七年閏一月以尹焞爲崇政殿說書乾道二年十一月幸教場從駕臣僚自祥曦殿並戎服起居元史世祖這伯顏入臨

安宋主鼎率文武百僚詣祥曦殿望闕上表乞爲

藩輔

魏了翁後殿侍立大須臾陛衛儼成行禁蹕聲聲輦

出房靴笏趨陪西府拜卻更絲履立東廂

考宋史新編曰杭城大內卽州治也休兵後始作

崇政垂拱二殿宮室志云垂拱崇政二殿雖曰大

殿其修廣僅如大郡之設廳淳熙再修正循其舊

宋史地理志云臨安宮室制度皆從簡省垂拱大

慶文德紫宸祥曦集英六殿隨事易名實一殿也

考臨安志垂拱祥曦係屬別殿當以親見爲不誣

南宋古蹟攷卷上

五

延和殿 宋史宮室志淳熙八年秋改後殿擁舍爲

別殿取舊名謂之延和殿便坐視事則御之宋史

宗室子瀟傳孝宗嗣位志圖恢復子瀟練兵習爲

鷺鶴魚麗陣上觀于便殿嘉之時臣撰後殿上梁

文云聽朝決事兼汴都延和崇正之名論道談經

殆炎漢虎觀金華之比史云孝宗作敬天之圖開

延和之殿躬講讀之勤設補遺之官指此遇聖節

長至正旦寒食大禮齋或避正殿則御焉考垂拱

及後殿之後皆有此殿凡大禮齋宿於此亦稱東

齋殿西齋殿大禮後擇日詣景靈宮等處行恭謝

禮畢宣賜百官簪花于西齋殿七修類稿小仙林寺卽後殿在山岡遊覽志亦云卽延和殿也以舊紀殿址推之當在報國寺後

陸游延和殿退朝口號 雨餘未肯放朝暾穿仗恭承聖主恩清蹕傳聲徐御殿紫衣引拜許龍門徘徊漫結堯階戀零落難招楚澤魂歸去猶堪誇里巷桐江新賜雨朱轡 十年短襪樂滄波强著朝衫棄釣蓑才薄何堪試鴻翊恩深猶許對延和空牆煙柳遙迎馬輦路春泥欲濺鞞莫恨此身衰病去同時朝士久無多

南宋古蹟攷卷上

三

福寧殿 行在所錄云御寢也紹興間禁中營祥曦福寧等殿福寧殿側有清暑樓乾淳歲時記立春前一日臨安府進大春牛設之福寧殿庭宋史留正傳孝宗疾革正數請車駕過宮一日上拂衣起正引裾泣諫隨至福寧殿正退上疏言極激切按遊覽志尊勝寺卽福寧殿細考尊勝寺係芙蓉閣址興元寺當爲福寧殿址舊志彼此互易宜從湖山便覽改正

復古殿 燕閒之所宋史云本射殿也高宗建理宗重修武林舊事云元夕燈火往往于復古膺福等

殿張掛又禁中避暑多御復古選德等殿周益公  
讀三朝寶訓詩注云臣所得端硯刻復古殿三字  
老學菴筆記紹興閒復古殿供御墨新安戴彥衡  
所造自禁中降出雙角龍文

宋理宗題復古殿 列祖謀詒燕沖人命紹龜禁嚴  
瞻復古締創想當時鳳紀因多歷翬飛欲寢隳端  
居嘗念此涼德恐羞之斂輯炎興業新還禹舜規  
棟驤飛玉瑱樸斲謹塗茨咫尺羹牆見延洪典則  
貽緬懷光澤舊儼若煥章垂聖志惟先定鴻名寓  
有爲風煙沈廟算天日俯疇咨屏翰環方召言謨

南宋古蹟攷卷上

三

富嶠夔權綱歸總覽制度永維持養士翔鴛鷺蒐  
兵振虎貔宣王修政日光武中興時文治綏函夏  
英威鬯遠夷萬方丕顯績三紀太平基繼述慙非  
稱規恢動慨思肯堂心翼翼景行日孜孜載繹車  
攻雅宜賡考室詩告成書梗槩拜手緝蕪辭

選德殿 夢梁錄射殿曰選德玉海曰孝宗皇帝闢  
便殿于禁垣之東名曰選德續資治通鑑淳熙四  
年九月閱蹴毬于選德殿又考玉海淳熙四年命  
閣門稽太宗朝擊毬典故仍先習儀詔擊毬御棚  
是日三少使相執政已下各分棚侍立上擊過毬

門回馬御殿皇太子以下稱賀六年十一月五日  
選德殿出用人論示宰相俊卿等七年二月七日  
御選德殿宣示立皇太子御札宰相允文再拜賀  
宋史周必大傳孝宗一日詔同王之奇陳良輔對  
選德殿袖出手詔命必大極陳當否後又被旨撰  
選德殿記又玉堂雜記云必大爲禮部侍郎兼權  
直學士院宣入選德殿御前小案用牙尺壓蠲紙  
一幅傍有漆匣小歛硯置筆墨于玉格必大鞠躬  
書除目行在所錄云御座後有大屏分畫諸道列  
監司郡守爲兩行各標職位姓名又圖疆域于碑  
陰楊太后宮詞云天下監司二千石姓名都在御  
屏中蓋紀實也

南宋古蹟攷卷上

三

宋孝宗芙蓉觀擊毬賜宴選德殿 吳穹垂佑福羣  
生清德惟知監守成禾黍三登占叶氣簫韶九奏  
播歡聲未央秋晚林塘靜太液波閒殿閣明嘉興  
臣鄰同燕樂益修庶政答昇平

楊太后宮詞 用人論理見宸衷賞罰刑威合至公  
天下監司二千石姓名都在御屏中 擊鞠由來  
豈作嬉不忘鞍馬是神機牽韁絕尾施新巧背打  
星毬一點飛



周必大入直召對選德殿賜茶而退 綠槐夾道集  
昏鴉敕賜傳宣坐賜茶歸到玉堂清不寐月鉤初  
上紫薇花

周必大選德殿記 皇上踐祚以來宮室苑囿一無  
所增修獨闢便殿於禁垣之東名之曰選德規摹  
樸壯爲陛一級中設漆屏書郡國守相名氏其上  
羣臣有圖方略來上可采者輒棲之壁以備觀覽  
數延見文武講論治道訪求民隱至于四方奏報  
參軍國之機務皆于此省決暇則紬繹經傳或親  
御弧矢雖大寒暑不廢臣俟罪禁林閒嘗奉詔獲

南宋古蹟攷卷上

三

至焉一日命臣汝爲之記臣愚學不足以推廣聖  
意詞不足以鋪陳盛美謹但采禮詩古文以射觀  
德事及歷代治亂興衰大端次第其說禮君世子  
生三日射人以弧矢六射天地四方其早計若此  
至于擇士以祭必于射也進退天下之才與祭者  
繇是得爲諸侯卿大夫若屬有賓客之事燕勞之  
寵莫不用射詩人又于其獻酬歌詠之餘中度不  
中度罰爵與否有所戚休刺美以爲是王公大人  
風化黎庶者之本也由此觀之古者君臣周旋禮  
樂以服習勤苦可不謂先事知懼安而能危者哉

是故三代而上士大夫皆可獨將而兵民爲一戎  
不生心世用底定比其季也徒以爲威儀觀美而  
實不稱馳騁弋獵而政不舉則國人爲之隱憂而  
變風作其後王道浸缺而文武兵農遂分而不可  
合夫夫荷戈海內騷動社稷之主以兵廢興蓋自  
秦漢下迄五季數千百載閒大抵亡具而漢之車  
騎材官唐之府衛一二近古則享國最久其效可  
睹矣以臣所按三代舊聞放乎漢唐文武離合之  
際要之國家閒暇以戒懼爲本天錫陛下厲精百  
王之後追踪太古之上迺爲是殿以訪羣策以裁

南宋古蹟攷卷上

十四

萬務以閱圖史殿不主乎射也而託名焉射不專  
于覲武也而尙德焉聖謨明遠于以覽示中外感  
諷臣子敵國外患之慮甚深甚至昔宣王中興其  
詩曰射夫旣同助我舉忝序之者曰是小雅盡廢  
而復古之詩曰治有先後功在不舍沈潛剛克時  
乃天道陛下堯舜揖遜而可以爲湯武臣敢以是

進

風林其辭

王

文

五

其

辭

緝熙殿辭紹定五年十一月二十七日御製敬天地  
法祖宗事親齊家而下凡四十條御札十二軸詔  
講讀苑書官撰箴辭明年六月甲午緝熙殿成御

書輯熙二字榜之親爲記文以所製箴詞親洒宸翰列殿上以備觀覽 理宗闢舊講殿爲之御製

記武裝當于觀游殿令改舊築殿於殿前

熙明殿 卽修改殿度宗繼統改東宮益堂以爲講

讀之所御製記雷溪詩選有題宋度宗熙明殿古

墨詩徐夔夔南宋行宮考度宗改東宮益堂爲殿

前而講筵延閣並在禁中燕翼堂

勤政殿 淳熙三年卽進食殿改建

嘉明殿 度宗卽東宮繹己堂改建夢梁錄云供進

御膳卽嘉明殿在勤政殿之前對東廊門樓乃殿

南宋古蹟攷卷上 五

中省六尙局御厨祇應內侍人員俱集於此

膺福殿 元夕鼇山多于復古膺福明華等殿張掛

明華殿

清燕殿 禁中重九于清燕殿賞橙橘乾湑起居注

淳熙八年太上太后同至南內損齋進茶訖清燕

殿看書畫玩器

慶瑞殿 卽順慶殿理宗改慶瑞禁中例子八日作

重九排當于慶瑞殿分列黃菊燦然炫眼且點菊

燈略如元夕講殿

霽雲殿 天燕之所錢唐志鈔古宮室攷南內有霽

雲殿

澄碧殿

淳熙二年五月辛卯宴輔臣于澄碧殿玉

堂雜記淳熙四年史浩宴澄碧殿卽後苑澄碧水

堂詳園囿考

倚桂殿

周必大進呈選德殿賦于此卽倚桂閣詳

園囿考

睿思殿

陳隨應記云又東過閣子庫睿思殿程史

康與之在高皇朝以詩章應制與左璫狎適睿思

殿有徽祖御畫扇上時持玩流涕璫偶下值竊攜

至家而康適來留之燕飲漫出以示康給璫入取

南宋古蹟攷卷上

美

肴核輒泚筆凡閒書一絕于上有頃璫出見之大

恐而康已醉無可奈何明日伺閒叩頭請死上大

怒亟取示之天威頓霽但一慟而已

符寶殿

貯躬應天命之寶

慈寧殿 紹興九年詔皇太后宮殿名慈寧三十日

畢功慈寧卽顯仁韋后也有羣臣請建皇太后宮

殿表載楓窗小牘卽慈寧宮明一統志云紹興九

年和議成太后有歸期高宗預作此宮于禁中宋

史作慈寧殿韋后十二年回鑾十九年正月朔卽

宮中行慶壽禮南渡以來慶典自此始十三年臧

保衡獻太后還慈寧宮頌特進一官

宋翔紹興樂章時韋太后歸慈寧宮 天意回皇母

歸戟燧燧徹宮闈朝陽赫奕明鞠衣惟皇之孝惟  
母之慈陳仙仗薦壽卮從之冢后與庶妃奏之九  
成與咸池沓珍瑞駢福祺山陬水裔咸熙熙惟天  
之相與帝之宜千萬無窮期

康與之元宵慈寧殿被旨作調漢宮春 雲海沈沈  
峭寒收建章雪殘鳩鵲華燈照夜萬井禁城行樂  
春隨鬢影映參差柳絲梅萼丹禁杳鼇峰對聳三  
山上通寥廓 春衫繡羅香薄步金蓮影下三千

南宋古蹟攷卷上

二十七

綽約冰輪柱滿皓色冷侵樓閣霓裳帝樂奏昇平  
天風吹落留鳳輦通宴賞莫放漏聲閒卻

節錄王仲信慈寧殿賦 恭惟皇帝之嗣位十六載  
也海宇澄清四方底平受上天之眷命紹洪基于  
休明邇安遠至措刑寢兵人熙熙兮春臺物蕩蕩  
兮由庚六服承德眾心成城所以復炎德之輝而  
迓周邦之衡先是魏駕從狩鄰國克享天心咸有  
一德式邇來歸歡動九域乃命羣工擇基之隆儲  
祥曦之勝圻建問安之上宮列辟肅然而起職百  
執愴然而效忠爰卽行闕以成厥功于是高擬

天下蟠法地削甘泉之繁縟屏含元之侈麗揆太極之宸模就坤靈之寶勢乃諏龜筮龜筮協從乃稽萬物萬物無異帝曰欽哉乃彰鴻名慈以覆育于天下靈以鎮服于寰瀛蓋將昭徽音于大期而表思齋于周京者也有嚴有憑或降或昇揆之以日築之登登經始勿亟百堵皆興於是匠氏經營百藝駢并礪焉而礪礪焉而礪高下曲折塗暨丹青四周凌天而岌岌九門參空而伶俜闕百常兮屋十尋皆捷爵兮建瓴儋儋于栢閒閒旅楹岫綺對砌窗霞翼檣形堀洋洋金碧煌煌神鳩展吻而

南宋古蹟攷卷上

三

匝呀文犀壓牖而赫張寶琲象拱列星閒梁棟桷爨棗黼藻鉛黃玫瑰瓊瑁翡翠明璫方疏圓井瑄連斗扛枅榱上承柱石下當騰雙狻兮盤礎刻怒兕兮伏相其蟠也顏九淵之蚪屈其翥也若干仞之鳳翔或倒文漆于衛社或薦孤桐於嶧陽鳥枋橫截緗葉交相第栲栳與椅榎積榿榭兮豫章蓋天下之奇榦盡羽粲而國榱夫然未足以比其勝未足以形其雄轆轤龍嵒飛雲駕空出入乎日月呼吸兮雨風開重軒兮纍玉鱗萬瓦兮游龍高下髮直左右翼從西八東九金礫珉鎔平寫三山之

景坐移羣玉之峰喜洩洩兮樂融融入如遇兮出  
如逢映斗杓而瞳瞳挹天漢兮春容觀其巨鎮在  
南長江在東前擁後顧盤錯窪隆占皇圖之奕奕  
鬱佳氣之蔥蔥天海相際造化溟濛雕題貫膺大  
編桐矇尋撞戴斗兮航浮索援背馳驅而致恭采  
肅慎之楛矢職夷黔之布賓上則天日於潛之山  
鳳凰南北之嶺巉巖巖巖窈窕回旋狀羣羽之集  
麓若萬馬之奔川海門之潮滄溟之淵濠洵奔放  
勢如朝焉皆足以小嶠函而吞涇渭等河洛而隘  
隴岍夫以此而駐蹕實一制而萬全然而不以爲

南宋古蹟攷卷上

无

離宮不以爲別宇而轉以奉長樂之安而爲承顏  
之所故能遠邁漢唐跨歷三五則雖兼天下之奉  
極天下之貴亦人所樂而天所與也

穆清殿 見皇后冊禮東京延福宮舊有是殿

禮華殿

皇后所

坤寧殿 武林舊事云坤寧禮華二殿皆皇后所居

真德秀皇后閣端午帖子 記德當年夢寫符浴蘭

節後卻旬餘欲知天錫無疆壽認取仙螭領下書

瑤池千丈藕花香清賞尤便水殿涼聞說內家

多樂事前皇親自捧霞觴

李易安端午帖子 意帖初宜夏金駒已過蠶至尊

千萬壽行見百斯男

意帖用上官昭容事見浩然齋雅談

陸升子皇后閣春帖子詩 內仗朝初退朝曦滿翠

屏硯池渾不凍端爲寫蘭亭

楊太后宮詞 泛索坤寧只一羊自從正位挫詞章

好生恭儉超千古風化宮嬪只淡妝

曾覲坤寧殿得旨次韻賦照水梅花調鸞山溪詞

催花小雨輕把香塵灑簾捲水亭風梅影轉夕陽

西下靚妝窺鑑鴛鴦湛清漪浮暗麝翦芳瓊消得

連城價 玉樓十二寒怯珠衣掛曾是綠華仙眷

南宋古蹟攷卷上

三

餘情新詞如畫花隨人聖須信世無雙騰鳳吹駐

鸞輿堪與瑤池亞

受釐殿 欽聖向后所居天祿識餘宋錢忱伯之妻

瀛國唐夫人正肅公孫也紹興初隨其姑長公主

入謝欽聖向后于禁中先是戚里婦數人在焉俱

從后步過受釐殿同行者皆仰視讀釐爲離夫人

笑于旁曰受禱也蓋取宣室受釐之義耳后回顧

坐曰好人家男女終是別

慈明殿 楊太后所居三朝政要云紹定三年慈明

殿出緡錢犒軍德壽宮紀略紹定四年正月朔楊



太后年七十理宗行慶壽禮于慈明殿大赦陳隨  
應記云便門通繹已堂重檐複屋昔揚后垂簾于  
此曰慈明殿

慈元殿 謝太后所居宋史咸淳三年謝太后以兵  
興費繁痛自裁抑汰慈元殿提舉以下官

仁明殿 全太后所居

清華殿

重壽殿 紹興末以舊慈福爲重壽殿二太后皆徙  
居此

萬春閣太后殿

南宋古蹟攷卷上

三

夫人閣

李易安夫人閣端午帖子 三官催解糗妝罷未天

明便面天題字歌頭御賜名 詩見浩然齋雅談

奉華堂 劉婉容所居

宮

德壽宮 在望仙橋東高宗倦勤卽秦檜舊地築新

宮紹興三十二年六月丙子行內禪禮畢遂移仗

居焉都人稱爲北大內鑿大池續竹篔簹數里引湖

水注之其上壘石爲山象飛來峰有堂名冷泉樓

名聚遠又分四地爲四時游覽之所見周益公玉

皇堂雜記已詳載園囿攷資治通鑑云紹興三十一年太子卽位太上皇卽駕之德壽宮帝服袍履步出祥曦門冒雨掖輦以行及宮門勿止上皇麾謝再三且令左右扶掖以還顧羣臣曰託付得人吾無恨矣清波雜志引文士所作溫陽老人對云淳熙登號之二年朝太上皇于德壽宮奉玉卮上于萬歲壽肆大號加恩區內無論已仕未仕之父母第其年之如詔者而授之官乾淳記淳熙三年天中節高宗壽七十孝宗上尊號先十日諸公進香十二日皇后到宮進香排日太子妃及大內職典

南宋古蹟攷卷上

三

等進香至日卯時駕率皇后太子太子妃文武百官並詣宮上壽太上升殿皇帝起居拜舞如儀率皇后百官上酒作樂衛士山呼駕輿入幄次少歇樂人再排立殿上降簾太上再坐太后率皇后太子妃上壽六宮次第起居禮畢退午刻茶請駕赴德壽殿排當皇帝以下簪花侍晏咸淳四年以其口改作道宮謝翱晞髮集有送袁太初歸剡序袁來杭宿傳法寺在德壽宮北今行路及園卽宮舊

址

楊太后宮詞瑞日曛曛散曉紅乾元萬國佩丁東

紫宸北使班才退百辟同趨德壽宮

曹勛德壽宮春帖子 曉來簾幙捲東風尚有春寒

下綺櫳德滿人閒和氣浹卯山宮殿瑞雲中 椒

房懿德慶源同環珮雍容冠六宮妝罷朝元無一

事關睢詩詠二南風

任希夷德壽宮卽事 金雀觚棱曉色開三朝喜氣

當時回聖人御日紅鸞扇天子龍輿萬騎來 霜

閣曉君王出問安寶香傳輦護朝寒五雲深處三宮

宴九奏聲中二聖觀 宴歸還駕七香車一夕天

開六出花瑞色先凝紫宸殿春光重到玉皇家

南宋古蹟攷卷上

三

萬年觴舉慶重華百辟口雲始拜嘉壽宴開時先

雪宴天花舞罷帶宮花

周必大從駕過德壽宮馬上得程泰之次庚寅玉堂

舊韻有銀章金帶之戲走筆爲謝 推敲也復重

鳴鑾鳳沼詩盟故未寒兩制空煩舍人樣外郎爭

比大夫官翰林今夜仍連直講殿明朝豈兩般畢

竟五金如五味莫回黃白議鹹酸

楊萬里德壽宮慶壽五首 長樂宮前望翠華玉皇

來賀太后家青天白日仍飛雪錯認東風轉柳花

春色何須羯鼓催君王元日領春回牡丹芍藥

薔薇朵都向千官帽上開  
雙金獅子四金龍噴  
出香雲繞殿中太上垂衣今上拜百王仍有箇家  
風皇天父晨興未出房君王忍冷立風廊忽然鳴  
蹕珠簾捲萬歲聲傳震八荒  
甲戌壬春試集英  
小臣曾是老門生蒼頭華髮班行事也聽鈞天九  
奏聲  
注云淳熙丙午元日聖上詣東朝慶壽八  
秩積陰頓晴飛雪弄日聖孝昭格萬姓呼舞擬出

壽口號

慈福宮 淳熙十五年擬進皇太后吳宮名曰慈福

十六年正月十五日丙午皇太后遷慈福宮蘭亭

南宋古蹟攷卷上

壽

博議吳皇后卽慈福太后親翰墨尤愛蘭亭作小  
楷一本流傳內外

壽康宮

太上皇后曰壽康嘗產金芝十二莖于左

棟燦然榮茂夢梁錄壽康卽德壽殿太上所居後  
生金芝改殿曰壽康宋史紹興五年改壽安曰壽

康慶元元年御書壽康之殿四字乾淳記淳熙三

年八月二十八日壽聖皇太后生辰二十一日卯

時皇后先到宮候駕至到太上前殿起居次至本

宮殿官裏第一班皇后第二班太子并妃第三班

各上壽訖太后宅親屬上壽並同天中節儀并賜

簪花酒至第五盞免大衣官裏便背兒赴坐第七  
盞小劉婉容進自製十色菊千秋歲曲破內人瓊  
瓊柔柔對舞上于閣子庫支賜五兩數珠色一號  
細色北緞十匹太后又賜七寶花十枝珠翠芙蓉  
綠領一幅又移座靈芝殿有木樨處進酒觀此知  
壽康殿亦名靈芝殿  
慈壽宮 卽慈福宮以奉壽成皇太后咸淳志云孝  
宗受禪憲明皇太后御改曰慈福壽成皇太后御  
改曰慈壽通鑑寧宗開禧二年春二月慈壽宮火  
齊太皇太后移居大內

南宋古蹟攷卷上

三

程秘戊子正旦賀慈壽宮二首 曙色浮丹拱春風  
暖禁街微瀾迷秀石纖草蔭新槐 鳳駕回天仗  
駕班集露門須臾趨魏闕杲日正中暎

重華宮 卽德壽宮咸淳志孝宗受禪移御德壽改

名重華西湖志餘曰孝宗退居重華有淨室終日  
宴坐惟書籍筆硯楮墨近侍奏高宗皇帝留下寶  
器圖畫陛下盍時取觀孝宗曰先帝中興功德甚  
大故享此朕豈敢比先帝鎖閉不開綱日光宗紹  
熙元年春正月朔帝朝壽皇于重華宮三年冬十  
一月日南至越六日始朝重華宮皇后繼至從容

竟日而還四年冬十一月朔朝重華宮宋史尤表  
傳上以疾一再不省重華宮表上封事曰壽皇事  
東高宗二十八年如一日今日宗社付陛下當思所  
以不負其託望勿憚一日之勤以解都人之惑後  
數日駕卽過重華

孝宗旣退居重華宮羣臣請以聖誕爲重明  
壽節有術者曰重華重明非佳名也其文皆二  
字是千日至甲寅而孝宗上升正合其數見萬厯  
杭州府志

壽康宮 光宗內禪以舊福寧爲壽康而進福寧殿

南宋古蹟攷卷上

美

御書宮殿名七字五日一朝宋史宮室志初丞相  
趙汝愚議以祕書省爲泰寧宮已而不果行以慈  
懿皇后外第爲之上皇不欲遷因以舊福寧殿爲  
壽康宮留正傳嘉皇卽位正復相定壽康宮南向  
從之綱目寧宗慶元五年秋帝率羣臣詣壽康宮  
上壽初見太上皇成禮而還明日羣臣以上壽禮  
成奉表稱賀

東宮 宋史地理志云在麗正門內孝宗莊文景獻

光宗皆常居之據行在所錄孝宗初育宮中祇造  
書院于宮門日內資善堂迨爲太子越旬日卽受

結禪莊文受冊以無典故可稽止建廳堂并諸官屬  
從屋乾道七年光宗升儲始于麗正門內之東建  
太子宮門淳熙二年創射圃爲游藝之所圃有榮  
觀玉淵清賞等堂及鳳山樓度宗位青宮更爲增  
廣有凝華殿彝齋新益堂釋己堂瞻棗堂繼統後  
改新益爲熙明殿釋己爲嘉明殿射圃等詳園

曾園考

卷上

藝林

射圃

射圃

楊萬里謝東宮燕榮觀堂春草池塘太液旁水晶  
殿宮殿牡丹香慙非綺里攀鴻翼也待承華宴鳳莊  
玉唾銀鉤看落筆繡袍金椀拜盈箱迎門兒女牽

南宋古蹟攷卷上

三

衣袖拽得隨侯與夜光

劉燭東宮鶴駕通宵入問安龍墀清曉押朝班天

顏喜見重輪月春色先回萬歲山

曾丰賀皇太子生日運轉黃河舊波澄少海清菊

籬浮喜色蘭殿沸歡聲岐嶷親王羨聰明左右驚

英姿涵玉鑑冊禮建金旌入省龍樓曉歸休鶴禁

晴講筵心會道賓苑禮通情誕日愉謠滿儲庭瑞

彩盈兩宮筵具渥六佾舞儀輕靜念孤蹤遠曾叨

四友榮尚稽陪角綺遙祝壽筵鏗

趙彥端壽皇太子生日龍樓問寢時雞人未動漏

聲遲前星一點朝天帝只有清臺太史知 子晉  
吹笙未是仙阿丕橫槩少全篇小吟青著梅梢句  
一日東風四海傳 大安宮裏漆園椿子幹孫枝  
葉葉新今日四株高下碧相承一樣八千春 光  
堯初御六龍天上直維參大火躔天意分明昌宋  
德誕辰三世總丁年 西湖志餘淳熙中孝宗及  
皇太子朝上皇于德壽宮周益公詩云一丁扶大  
德三合鞏皇基蓋高宗生于大觀丁亥孝宗生于  
建炎丁未光宗生于紹興丁卯故也陰陽家以亥  
卯未爲三合

南宋古蹟攷卷上

五

隆祐宮 建炎元年詔以元祐太后宮爲隆祐宮隆  
祐本欽聖憲肅宮名

升陽宮 建炎元年名潛邸爲升陽宮

瑞聖宮 在石姥峰峰在臯亭黃鶴之北有珍珠塢  
高宗避金兵入此塢月餘以劉正夫所建永報寺  
爲瑞聖宮受羣臣朝故其外有午門橋事定復造  
焉由金家堰入盤山麓而東至珍珠塢人指其所  
經爲輦道路今訛爲神道路塢見仁和縣志

睿聖宮 苗傅傅叛欲立皇子乞太后宣諭后猶  
不許傅等語益不遜帝遣入奏禪位是日帝幸顯



忠寺太后垂簾降赦號帝爲睿聖仁孝皇帝以顯  
忠爲睿聖宮

南宋古蹟攷卷上終

南宋古蹟攷卷上

三



忠寺太后垂簾降赦號帝爲睿聖仁孝皇帝以顯  
忠爲睿聖宮

南宋古蹟攷卷下

清開園囿考

錢塘 朱彭 輯

曾內御園

聚遠樓 玉堂雜記云必大嘗自德壽宮後垣望見

一樓巍然朝士曰太土名之曰聚遠高宗取東坡

詩賴有高樓能聚遠一時收拾與閒人句故光堯

親題額又書此二句于屏間 上皇大喜曰從來

香遠堂 貴武林舊事云荷玉堂雜記云梅堂也乾道

起居注 淳熙九年八月十五日孝宗過宮起居上

皇鈞魚爲樂遂留賞月宴香遠堂月上樂少止召

香小劉貴妃獨吹白玉笙霓裳中序上自起執玉杯

奉兩殿酒侍宴官曾覲進詞上皇大喜曰從來月

詞不曾用金甌事可謂新奇賜金束帶紫番羅水

晶注梳 一副上亦賜寶蓋古香至一更五點還內

樂是夜隔江西興亦聞天樂之聲

曾覲詞調寄壺中天 素飈漾碧看天衢穩送一輪

明月翠水瀛壺人不到比似世間秋別玉手瑤笙

一時同色小按霓裳登天津橋上有入偷記新闕

南宋當日誰幻銀橋阿瞞兒戲一笑成癡色肯信羣

仙高宴處移下水晶宮闕雲海塵清山河影滿桂  
冷吹香雪何勞玉斧金甌千古無缺

清深堂一作清心玉堂雜記云竹堂也乾清起居  
注清熙三年八月二十一日壽聖皇太后生辰太  
上邀官裏至清心堂進泛索十一年六月車駕過

宮納涼命小內侍宣張婉容至清心堂撫琴并命  
棋童下棋內侍投壺博戲目殘重湖農錄交精

萼綠華堂

武林舊事清熙八年正月初二日上親扶太  
上至萼綠華堂看梅未初雪天下太上大喜

南宋古蹟攷卷下

二

官家云今年正欠些雪可謂及時太上云雪  
卻甚好但恐長安有貧者上奏云已令有司  
比去年數倍支散矣太上亦命提舉官于本  
宮支撥官會照朝廷數目發下臨安府支散  
貧民一次善堂志云至善堂職奉

松菊三徑

錢塘梁志云菊芙蓉竹

至六月車駕過

梅坡乾清起居注十月二十二日孝宗會慶聖節

至日車駕過宮簪花拜舞禮畢從太上後苑梅坡

看早梅

至日車駕過宮簪花拜舞禮畢從太上後苑梅坡

月榭高宋史宮室志作月臺

清妍亭 植茶蘼處乾道三年三月初十日回至清

妍亭看茶蘼

萬歲壽 武林舊事乾道三年三月初十日太上云傳

語官家後園有幾株好花來日請官家過來

清藏堂 閑看次日進早膳後車駕與皇后太子過宮

至清妍亭看茶蘼就登御舟與湖中一般太

上倚闌閑看適有雙燕掠水飛過得旨令曾

覲賦之既登舟知閣張掄進柳梢青詞各有

宣賜 阮郎歸曾詞云柳陰庭院占風光呢

喃春晝長碧波新漲小池塘雙雙蹴水忙

南宋古蹟攷卷下

三

萍散漫絮飛揚輕盈體態狂爲憐流水落花

香銜將歸畫梁 張詞云柳色初濃餘寒似

水纖雨如塵一陣東風縠紋各皺碧沼鱗鱗

仙娥花月精神奏鳳管鸞弦鬪新萬歲聲

中九霞杯內長醉芳春

清新堂 玉堂雜記云木香也夢梁錄云木香堂扁

曰清新

萬歲橋 在香港堂東乾道起居注橋長六丈餘並

用吳璘進到玉石甃成瑩澈可愛橋中心作四面

亭用新羅白木建造極爲雅潔大池十餘畝皆種

千葉白蓮

芙蓉岡 夢梁錄作芙蓉渠誤乾淳起居注淳熙九年

八月十五日宴香遠堂北岸芙蓉岡一帶並列教

坊樂部二百人待月初上簫韶齊舉縹緲相應如

在霄漢

吳塘逢辰錄芙蓉岡在德壽宮香遠堂東萬歲橋之北岸

以上並在東

載忻堂 夢梁錄云御晏大堂扁曰載忻德壽宮記

略云淳熙三年十月孝宗聖節午初至載忻堂排

當太上以古玉桃盃賜上御酒云學取老爺年紀

早早還京上飲酒再拜謝恩是日大醉還內

南宋古蹟攷卷下

四

欣欣亭 玉堂雜記云古柏太湖石也

臨賦亭 夢梁錄云荷花亭扁曰臨賦

射廳 乾淳起居注云乾道三年三月十一日車駕

與皇太子過宮次至毬場看拋毬蹴鞦韆又至射

廳看百戲依例宣賜淳熙三年五月二十一日高

宗壽七十孝宗詣宮上壽禮畢上侍太上過寢殿

早膳太上令宣吳郡王等官前來伴話同往射廳

看百戲

燦錦堂 植金林檎德壽宮記略曰乾道三年上與

皇太子過宮起居二殿訖至燦錦堂進茶

至樂堂 池上堂也夢梁錄云池上扁曰至樂乾道  
起居注曰淳熙三年詣宮上壽請太上至至樂堂  
再坐教坊進新製萬歲興龍樂曲破對舞各賜絹  
有差

清曠堂 玉堂雜記云木樨也夢梁錄曰木樨堂扁  
曰清曠

半綻紅亭 夢梁錄云李花亭扁曰半綻紅玉堂雜  
記云半丈紅郁李也半綻作半丈

瀉碧亭 夢梁云金魚池扁曰瀉碧

以上並在南

南宋古蹟攷卷下

五

冷泉堂 德壽宮紀略云高宗雅愛湖山之勝于大  
內鑿石引泉象西湖冷泉乾道起居注淳熙五年  
二月初一日上過德壽宮起居太上留坐冷泉堂  
進泛索十一年六月初一日車駕過宮至冷泉堂  
進早膳宗陽宮志吳郡王益憲聖太后之弟一日  
竹冠練衣芒鞋筇杖縱行靈竺濯足冷泉盤石之  
上邏者奏聞德壽以詩召之曰趁此一軒風月好  
橘香茶熟待君來王亟往光堯笑謂曰昨日冷泉  
之遊樂乎朕宮中亦有此景命觀冷泉堂

翰林進端午帖子 聚遠樓高面面風冷泉堂下水

溶溶人間炎熱何由到真是瑤臺第一重  
飛來峯下水泉清臺沼經營不日成境趣自超塵世外  
何須方士覓蓬瀛  
飛來峯天宗陽宮志云壘石爲山作飛來峯峯高丈餘峙冷泉堂側孝宗賦詩有一峯獨立名飛來之句  
淳熙十年六月初一日上領聖旨遂同至飛來峰看水簾歲久蕪沒康熙乙亥春羽士和有鴻建斗閣鋤地深丈許得之五百年之物一旦復出范允鎬有詩紀事

孝宗題冷泉堂飛來峯詩  
山中秀色何佳哉一峯

南宋古蹟攷卷下

六

獨立名飛來參差翠麓儼如畫石骨蒼潤神所開  
忽聞倣像來宮囿指顧已驚成列岫規模絕似靈  
隱前面勢恍疑天竺後孰云人力非自然千岩萬  
壑藏雲煙上有崢嶸崆峒之翠壁下有潺湲漱玉  
之飛泉一堂虛敞臨清沼密蔭交加森羽葆山頭  
草木四時春閱盡歲寒長不老聖心仁智情優閒  
壺中天地非人間蓬萊方丈渺空澗豈若坐對三  
神山日長雅趣超塵俗散步逍遙快心目山光水  
色無盡時長將挹向杯中潄  
高宗跋孝宗詩云吾兒自幼岐嶷進德修業如雲升

補川增一日千里吾比就寬閒之地壘石爲山引湖  
爲泉作小亭于其傍用爲娛老之具且俾吾兒萬  
幾之暇時來遊豫父子杯酒相屬挹山光而聽泉  
流濯喧埃而發清興恍若徜徉于靈隱天竺之間  
其樂可勝紀哉吾兒乃肆成章形容盡矣雖吟詠  
之作帝王之餘事然造語用意高出百世之上非  
鉅儒積力可窺其蘊亦有以見天縱之多能覽之  
欣然老眼爲之增明矣

冷香亭 夢梁錄云西有古梅扁曰冷香乾瀆起居

注云淳熙五年二月初一日孝宗過宮留坐冷泉

南宋古蹟攷卷下

七

堂至石橋亭子看古梅太上曰苔梅有二種一種  
出張公洞苔蘚甚厚一種出越上苔如綠絲長尺  
餘今年同時開花留此少觀宗陽宮志云一樹自  
宋迄明枝幹茂密花時蔭三畝名德壽梅崇禎初  
始枯

芙蓉石 宗陽宮志云以其玲瓏蒼潤宛似芙蓉故  
名與古梅同爲德壽舊物明時孫杖寫梅藍瑛寫  
石好事者刻于碑題曰梅石雙清

文香館 夢梁錄云牡丹館扁曰文香

靜樂堂 乾瀆起居注云乾道三年三月十一日至



靜樂堂看牡丹進酒

浣溪亭 植海棠處乾淳起居注淳熙三年十月從

太上至浣溪亭看小春海棠

以上並在西

絳華堂 夢梁錄云北有櫺木堂扁曰絳華乾淳起

居注淳熙三年九月十五日明堂大禮十六日至

聖壽處飲福行禮畢略至絳華堂進泛索知閣張

掄進臨江仙詞

張掄臨江仙詞 聞道彤庭森寶仗霜風逐雨驅雲

六龍扶輦下青冥香隨鸞扇遠日映赭袍明

南宋古蹟攷卷下

八

捲天街人頂戴滿城春氣氤氳等閒散作八荒春

欲知天意好昨夜月華新

依翠亭 玉堂雜記茅亭也夢梁錄云冷香亭前栽

春桃扁曰依翠故都宮殿考作俯翠

蟠松 宋史宮室志云北則春桃蟠松周必大跋曾

三異所藏盤松贊云德壽苑園分四地盤松在其

北宗陽宮志云亦名偃松高宗手植成化時尚存

浩然齋雅談云德壽宮于吳中得蟠松虬枝天矯

清蔭數畝思陵嘗御製贊乾淳起居注淳熙三年

五月高宗壽七十移宴清華看蟠松宮嬪五十八

皆仙妝奏清樂進酒又上同皇太子步至蟠松下  
看御書

高宗祭盤松文 我遊湖園乃獲奇松植之禁苑百  
態千容婆娑偃蓋天矯騰龍翠色凝露精迥舞風  
醉吟閒適予惜所鍾壅培封植人力或窮烏鳥外  
擾蟻蠹內攻神其勦絕勿使能終精邪竊據盜斧  
適逢神其可逐勿使遺踪常令勁節坐閱隆冬堅  
踰五柞弱異雙桐歷千萬年鬱鬱蔥蔥牲牢旨酒  
嗣錄汝功

高宗盤松贊 天錫端木得自嶽岑枝盤數萬幹不

南宋古蹟攷卷下

九

倍尋怒騰雲勢靜奏琴音凌寒鬱茂當暑陰森封  
以腴壤適以碧潯越千萬年以慰我心

旱船 見故都宮殿考

清華堂 淳熙三年移宴清華看蟠松

以上並在北

外御園

玉津園 在嘉會門南四里洋洋橋側園本東都舊  
名紹興十四年金使始來賀天中節宴射園中十  
七年建十九年正月高宗始臨幸乾道二年二月  
孝宗與皇子及管軍臣僚等較射園中親御四矢

發皆中的淳熙元年九月復於園中行宴射禮賦  
詩賜太子及丞相曾懷以下皆有賡和刻石淳熙  
二年夏四月宴輔臣於玉津園十一年十一月因  
龍山大閱幸園十二年三月因南郊宿戒幸園有  
俯同洪邁韻詩紹熙五年四月光宗幸園皇后及  
後宮皆從以上諸事詳宋史及臨安志夢梁錄等  
書再考武林遺事孝宗幸玉津園講燕射禮皇太  
子宰執皆從賜宴上服顏巾窄衣絲履內侍御帶  
進弓箭人喝看御箭教坊樂作射堦前排列招箭  
班皇帝射中太子以下各拜稱賀又云招箭班服

南宋古蹟攷卷下

十

紫衣幞頭义手立於堦前御箭之來能以幞頭取  
執轉導入的亦絕技也至史彌遠等密令權主管  
殿司公事夏震極韓侂胄于園在開禧三年詳容  
齋筆記元時園廢所存有景鐘翠寒集有玉津園  
棄景鐘歌今龍華寺後有淳熙八年閏月甲午駕  
幸玉津園王希呂韓彥直等扈從題名淳熙十年  
三月十八日駕幸玉津園蕭燧韓彥直宇文焮洪  
邁等題名俱正書摩崖蓋此寺近當時園址也

孝宗玉津園燕射 一天秋色破寒烟別籞連隄壓  
巨川欣見歲功成萬寶因行射禮命羣賢騰騰喜

氣隨飛羽嫋嫋淒風入控弦文武從來資並用酒  
餘端有侍臣篇

光宗和燕射 秋深欲曉斂輕烟翠木森圍萬里川  
閭闔啟闕傳法駕玉津按武會英賢皇皇聖父明  
如日挺挺良臣直似弦韜武歡呼稱萬壽未饒天  
保報恩篇

曾懷和御製玉津園燕射 名園佳氣靄非烟冠佩  
朝宗似百川五品並令陪燕射四鍬端欲序賓賢  
恩涵春意魚翻藻威入秋聲雁落弦竣事更容窺  
典雅宸華應陋柏梁篇 江山秋色冠輕烟別苑

南宋古蹟攷卷下

十一

風光勝輞川位設虎侯恢盛典技穿楊葉校名賢  
禮均湛露宣飛學樂奏鈞天看發弦聖主經文與  
緯武全勝巡幸射蛟篇

孝宗玉津園縱觀春事適霽色可喜洪邁有詩來上  
俯同其韻 春郊柔綠徧桑麻小駐芳園覽物華  
應信吾心非暇逸頓回晴意絕咨嗟每思庶富將  
同樂敢務遊畋漫自誇不似華清當日事五家車  
騎爛如花

洪邁車駕宿戒幸玉津園命下大雨將曉有晴意已  
而天宇豁然進詩歌詠其實文五更猶自雨如麻

無限都人仰翠華  
翻手作雲方悵望  
舉頭見日其  
驚嗟天公的有施  
生妙帝力堪同造  
物誇上苑春光  
無盡藏何須羯鼓  
更催花

何銓史魏公出判  
寧國府設讌玉津  
園餞行餞行

朱邸帝城春隨例  
顛忙宴玉津報國  
猶勞千一慮  
鈞天獨聽十三人  
金卮宣勸君王重  
花露湔愁醉  
夢眞卻憶故人猿  
鶴在便思投老乞  
閒身

曹勛從駕玉津園  
天子行春御六龍  
五雲回暖泛  
晴風和鸞寶苑梅  
花路剩有香傳玉  
座中花稍  
粼粼動朱欄萱草  
侵苔色已乾竹闌  
風光隨處樂

南宋古蹟攷卷下

春臺人物不知寒

七

劉敞過玉津園  
垂楊冉冉籠清籟  
細草茸茸覆路  
花長閉園門人不  
入禁渠流出雨殘  
花

任希夷宴玉津園  
江樓風光連北闕  
景物傍西湖  
禁籟濤江上茲樓  
天下無風靜潮痕  
滅江空夕

照多星星波上艇  
隱隱岸邊莎虛齋  
留御榻小  
逕近層崖再拜觀  
奎畫渾疑侍玉階  
參天官柏  
翠布地杏花紅臺  
沼如文圍規模有  
沐風翼翼

瞻齋殿深深步苑  
廊三人俱漢傑一  
老玷周行

宋无玉津園  
御愛花無主長生  
樹幾時青青輦路

草盡屬牧羊兒

聚景園 在清波門外都城紀勝舊名西園咸淳志  
孝宗致養北宮拓圃西湖之東又斥浮屠之廬九  
以附益之清波門外爲南門湧金門外爲北門流  
福坊水口爲水門亭宇皆孝宗御扁嘗請兩宮臨  
幸後光宗奉三宮寧宗奉成肅皇后亦皆同幸武  
林舊事及天逸閣集載有會芳殿灑春堂攬遠堂  
咸淳志作亭 芳華亭花光亭瑤津翠光桂景豔碧涼觀  
瓊芳彩霞寒碧花醉澄瀾等目及柳浪學士二橋  
考乾淳起居注紀淳熙六年三月十五日幸此園

南宋古蹟攷卷下

三

太上太后至會芳殿降輦上及皇后至翠光降輦  
並坐瑤津西軒入御筵都管使劉景進新製泛蘭  
舟曲破吳興侑舞各賜絹遂至錦壁賞大花牡丹  
約千餘叢又至清輝少歇由翠光登御舟入湖申  
刻泊花光亭仍至會芳少歇還內據此園中尙有  
錦壁清輝二目舊志未載按史理宗後罕臨幸漸  
致荒落故過者有盡日垂楊覆御舟及空鎖名園  
日暮花之句元時復爲浮屠今則徧地皆邱壠矣  
樂府紀聞延祐初永嘉滕穆寓臨安聚景園有月  
夜遇宋宮人衛芳華自歌木蘭花慢詞

曹勛聚景園看荷花 四圍收盡一天雲水色天光  
冷照人面面荷花供眼界頓知身不在凡塵  
任希夷聚景園宴集 晚排闥闔披雲霧身躡仙踪  
遊禁宇始知天上自清涼不信人間有炎暑庭前  
青松笙竽聲望處紅蕖錦繡雲月卿領客意繼綵  
冰盤照坐光續紛薰堂盡卻蒲葵扇瑤堦細展桃  
枝簞加籩新采波上菱如珠更剝盤中芡老罷慚  
無翰墨功臭味喜入芝蘭叢二妙不偕阿鳳至四  
老但許商山同明當入直須隨仗夕陽未下催歸

槩重城街鼓已薨薨舉頭桂魄層霄上

南宋古蹟攷卷下

十四

陸游小舟過御園二首 聖主憂民罷露臺春風側

苑晝長開盡除曼衍魚龍戲不禁芻蕘雉兔來魚  
水避人橫翠靄宮花經雨委蒼苔殘年自喜身強  
健又作清都夢一回 水殿西頭起砌臺綠楊開  
處杏花開簫韶本與人同樂羽衛纔聞歲一來鷁  
首波生涵藻荇金鋪雨後上莓苔遠臣侍宴應無  
日目斷堯雲到晚回

楊萬里駕幸聚景園晚歸有旨次日歇泊 身在長  
安夢故山故山未去且長安落紅滿地莫教掃新  
綠隔牆聊借看竹葉勸人行樂事榴花爲我遣春

寒賜休又得明朝睡不問三竿與兩竿

高翥聚景園口號  
淺碧池塘連路口淡黃楊柳護  
檐牙舊時歲歲春風裏長見君王出看花  
竹影  
參差臨斷岸花陰寂歷浸清流游人誰到闌干角  
盡日垂楊蓋御舟

高似孫聚景園  
翠華不向苑中來可是年年惜露  
臺水際春風寒漠漠宮梅卻作野梅開

釋承頤聚景園  
路遠長隄萬柳斜年年春草待香  
車君王不宴芳春酒空鎖名園日暮花

張掄駕幸聚景園賞牡丹進壺中天  
洞天深處賞

南宋古蹟攷卷下

五

嬌紅輕玉高張雲幕國豔天香相競秀瓊苑風光  
如昨露洗妖嬈風傳馥郁雲雨巫山約春濃如酒  
五雲臺榭樓閣  
聖代道洽功成一塵不動四境  
無鳴柝屢有豐年天助順基業增隆山嶽兩世仁  
君千秋萬歲永享昇平樂東皇呈瑞更無一片花

落

富景園

富景園

富景園

富景園  
在新門外俗名東花園都城紀勝城東新  
門外有東御園今名富景園咸淳志富景園規制  
略倣湖山又云升仙橋在園前七修類稿係德壽  
宮後圃有池名百花今園前民家尙存大池按板



兒巷舊名百花蛇散巷乃百花池巷也又考慈雲寺舊名慈濟宋時皆園中址四朝間見錄北宮與東園最近旬浹閒卽恭請憲聖臨幸屬芙蓉臨池秀發遂白憲聖請登龍舟撤去欄幕臥看尤佳憲聖欣然從之游覽志東花園此地多名園高孝兩朝常幸東園闕市至今有孔雀園茉莉園

五柳園 在新門外都城紀勝新門外五柳園在金剛寺北夢梁錄五柳園卽西園子考鬪富三橋河下有五柳巷地近板兒巷去金剛寺不遠或卽其遺址也

南宋古蹟攷卷下

十六

屏山園 在錢湖門外南新路口武林舊事南屏御園正對南屏又名翠芳夢梁錄內有八面亭一片湖山俱在目前咸淳志面南屏故舊名屏山園咸淳四年盡徙材植以相宗陽宮之役今惟門闕儼然董嗣杲西湖百咏引屏山開慶初內司屏建東至希夷堂直抵雪峯山下西至南新路口水環五花亭外舊有海查一樹開小紅花在園門外尋亦枯白斑云翠芳有蘭棧焉蘭棧御舟名

眞珠園 都城紀勝在雷峯前武林舊事有眞珠泉高寒堂杏堂水心亭御港曾經臨幸乾淳起居注

淳熙六年三月御舟入襄湖出斷橋又至眞珠園  
太上命買湖中龜魚放生并宣喚在湖買賣等人  
內侍用小綵旗招引各有支賜園又有梅坡張鑑  
南湖集有過眞珠園梅坡詩

張鑑自安福過眞珠園梅坡  
舒憂早踰關延晷盡  
王名侶林亭果幽賞得計良自許高鳴迭酬倡陽春  
誰激楚坐移遊好園振策盼芳渚層茅盡舊翦結  
冰靜誰與幾年楊巨源句妙聽鐘啟謫仙繼前躅  
凌厲蒼霄舉吾人潘逍遙清新出機杼揆予才獨  
後乙乙抽繭緒肆瞻宇宙宏氣類混出處盍簪忍

南宋古蹟攷卷下

七

輕散快意樽中醕相看豈時情襟期耐寒暑  
陸游眞珠園雨中作  
清晨得小雨憑閣意欣然一  
掃羣兒迹稍稍游女船烟波蘸山腳濕翠到欄邊  
坐誦空濛句予懷玉局仙  
王炎九日陪楊祕監遊眞珠園  
珍重蓬萊老攜壺  
領客來湖山羅畫筍風物獻詩才素髮難重染黃  
花有再開莫憂身外事且覆掌中杯  
林光朝九日同胡侍郎出眞珠園  
來自清源葛已  
覃君王問獵我猶堪百年耆舊如重見九日登臨  
得縱談才子不知汾水上仙人長在大江南明珠

照夜應無數要是層波更好探

集芳園 咸淳志在葛嶺前臨湖水後據山岡張婉  
儀園後歸太后游覽志紹興開收屬官家藻飾益  
麗有蟠翠雪香翠岩倚繡挹露玉蕊清勝諸扁皆  
高宗御題淳祐開理宗賜賈似道改名後樂

延祥園 在孤山四聖延祥觀都城紀勝西依孤山  
爲和靖故居與瓊華小隱園並考園有瀛嶼六一  
泉香月香蓮二亭挹翠清新二堂花明水潔氣象  
幽古三朝俱嘗臨幸考香月亭環植梅花理宗大  
書疎影橫斜一聯刻于屏至元爲楊璉眞伽所據

南宋古蹟攷卷下

六

園遂廢

周紫芝延祥觀後山亭 附山結眞祠朱門照湖水

湖流入中池秀色歸淨几風簾邃旌旗神衛森劍  
履清芳宿華殿瑞露蒙王辰仿佛還神京想像輪  
奐美祈年開新宮祝釐奉天子良辰復難會歲暮  
得斯喜況乃清樾中飛鴻見千里雲車倘可乘吾  
事茲已矣便當賦遠遊未可回殿齒

玉壺園 在錢塘門外南漪堂後從玉壺軒舊名南

宋初屬劉卹王武林舊事後歸御前有堂曰將秀  
咸淳閒隸慈元殿

杜範趙山甫居玉壺盡得湖山之勝醉和其韻 占

盡春光好湖山一覽餘著身蓬島裏縱日畫屏如

我計還知錯君謀定不疎他年同到此卜築更躊

躇

王文雷玉壺卽事 雨過條風著柳芽淡黃淺綠嫩

如花陂湖漾漾初侵路蜂蝶紛紛各理家帶郭園

林仙苑近送春船舫繡簾遮芸窗倦倚湖山翠暖

靄輕籠日脚斜

張與玉壺園 林亭絕幽迥長夏綠雲香明月出山

小白蓮承露涼 譙鼓樓頭急吳歛風外長悠悠然

南宋古蹟攷卷下 五

玉壺內渾與世相忘

董嗣杲玉壺園 莫問南漪與玉壺杜鵑還更試花

無坡仙一顧吟空老地主煩更景不殊船出斷橋

春激遠鐘傳蕭寺晚樓孤山明水秀軒扉敞落日

漁歌過裏湖

下竺御園 都城紀勝云有下竺御園臨安志枕流

亭在下竺御園內有無竭泉游覽志云高宗嘗臨

觀賜扁白斑西湖賦云健筮有三連蠶接塘觀自

下而中而止始王園而臻太土之宮所謂王園如

此園也

周必大丁酉二月二十日同部中諸公游下竺御園  
坐枕流亭觀放闌桃花數萬點隨流而下繼至集  
芳亦禁籞也海棠滿山郁李繞闌殆不類人世遂  
賦絕句 萬點紅隨雪浪翻恍疑身到武陵源歸  
來上界多官府人與殘花兩不言

慶樂園 武林舊事在長橋光宗初賜韓侂胄名南  
園後復歸御前名慶樂蓉塘詩話慶樂園韓平原  
之南園也有碑石臥荆棘中猶存古桂百餘夢梁  
錄內有十樣亭榭工巧無二射圃走馬廊流杯池  
山洞堂宇安麗野店村莊裝點時景觀者不倦

南宋古蹟攷卷下

十

張炎慶樂園調高陽臺詞 古木迷鴉虛堂起燕歡  
遊轉眼驚心南圃東窗酸風埽盡芳塵鬢貂飛入  
平原草最可憐渾是秋陰夜沈沈不信歸魂不到  
花深 吹簫踏葉幽尋去任船依斷石岫裏寒雲  
老桂懸香珊瑚碎擊無聲故園已是愁如許撫殘  
碑卻又傷今更關情秋水人家斜照西冷

梅岡園 桐木園 武林舊事云梅岡桐木皆北山  
路御園

櫻桃園 咸淳志在瑞石山太廟側蓋宋時採含桃  
園以薦太廟者考成化杭州府志舊有兩櫻桃園一

在七寶山一在薦橋門外

牟獻七兒應復同客飲櫻桃園摘新以歸用其詩韻  
識所感尚記當年薦寢園百官分賜荷恩寬帶  
青絲籠空餘夢搔白頭人苦不歡詩老誇稱作厓  
蜜野翁驚看瀉銀盤南山見說紅干樹烏雀兒童  
任意觀

梅亭在三茅觀外山東爲宋時禁地都城紀勝云  
在城園苑有東山梅亭四朝聞見錄云莆陽陳讜  
題三茅觀梅亭有云竹密不知雲欲雨山高盡見  
水朝宗繼是無有和者

南宋古蹟攷卷下

三

吳景奎錢塘三茅觀古梅五代時所植至正辛巳燬  
於火次韻三茅琳館倚嶙峋五季枯梅帶蘚痕  
劫燒忽收香影去孤根猶抱檠株存翠禽夢斷春  
無迹玉樹歌殘月正昏不作杜鵑歸閬苑爲煩逋  
老賦招魂考武林舊事云湖上御園南有聚景眞  
珠南屏北有集芳延祥玉壺雖眞珠後歸循王集  
芳後歸似道而屢經臨幸仍屬御園南園始于侂  
冑後卽易名玉壺創自廩王旋收內府故自玉津  
富景五柳之外卽將諸園載入至旣賜後所有題  
詠別詳諸臣園中

諸王貴戚園

秀邸園 在錢塘門九曲城下紹定三年秀王府創  
有理宗御書擇勝愛閒二扁亦名擇勝園成化杭

州志云錢塘門酒庫側秀王府新園卽指此

勝景園 在長橋卽慶樂園理宗淳祐中賜嗣榮王

易名勝景咸淳志勝景二字理宗御書

小水樂園 武林舊事福邸園

趙冀王園 在方家峪西湖遊覽志云園中層疊巧

石爲洞曲引流泉灌之水石奇勝花竹繁鮮旁有

仙人碁臺在焉西湖塵談云舊志載華津洞在趙

南宋古蹟攷卷下

冀王府園

謝太后府園 緇續霏雪錄云元帥夏若水居西湖

昭慶灣地宅百餘間乃故宋謝太后歇涼亭有眉

壽堂百花堂一碧萬頃堂湖山清觀皆宏麗特甚

又架船亭水中每元夕館皆垂水晶簾放燈上下

輝映士女縱觀達曉娃童輩往往拾得遺簪墜珥

萬花小隱園 在北山武林舊事北山有萬花小隱

園亦謝氏故園

謝府新園 臨安志云在惠照齋宮西舊爲中常侍

甘氏園後屬謝氏內有道院村莊四面堂水閣諸

勝

楊太后府梅坡園董嗣杲西湖百詠引在小麥嶺

傍宋楊太后宅園武林舊事云楊郡王園又名總

秀白斑西湖賦藹梅坡之綠陰通花家之紅靄謂

此大西中集水月園蘇文公手不似天

董嗣杲梅坡園 墻擁雙扉鎖錦窩溪聲不敵樹聲

多誰家種麥曾名嶺今日尋梅且陟坡萬厦棟梁

巢燕雀四山風日養松蘿園丁自飽栽花利月給

楊家得幾何

慈明殿園 夢梁錄在清湖北

南宋古蹟攷卷下

三

水月園 咸清志在大佛頭西紹興中高宗撥賜楊

和王存中御書水月二字後復獻于御前孝宗撥

賜嗣秀王伯圭中有水月堂俯瞰平湖前列萬柳

燕遊者多集焉武林舊事記有瀛讌堂玉林堂皆

御書

范成大雨中集水月園 獻之今年不堪暑天亦相

憐病良苦明更中秋法合涼夜半行雲晚行雨斷

州竹簟看如冰飢蚊倔強猶飛鳴下牀早喜衣裳

健出門更覺山川明曳屐扶藜尋水月不惜垂垂

巾角折竹閒松下已凄然卻要芳樽生暖熱



樓鑰水月園 具美杯殘意未休相將同上望湖樓  
樓臺忽已居平地風月何曾識舊遊更挈酒樽過  
水月坐增詩興滿滄洲春風共約新橋畔遙拜雙  
龍萬斛舟  
方岳水月園 送別孤山步遶湖闌干盡處倚菰蒲  
翁之樂者山林也客亦知夫水月乎萬事不如歸  
自好百年聊與醉爲徒藕花初醒蓴絲老喚住曾  
船膾腹腴

瓊花園 夢梁錄在褚家塘都城紀勝云延祥瓊花  
小隱並三朝臨幸七修類稿云瓊花維揚州有之

南宋古蹟攷卷下

卷

類聚八仙宦者陳源取孫枝接于八仙根上今褚  
家塘瓊花園是也留青日札地卽春秋慶忌宅也  
寓居考

范石湖寓 相傳在棗木巷其地有橋名石灰後因

石湖寓此亦名石湖橋在今錢塘門駐防營內

范成大客中呈幼度 手板頭銜意已慵墨池書枕

興無窮釀泥深巷五更雨吹酒小樓三面風草色

有無春最好客心去住水長東今朝合有家書到

昨夜燈花綴玉蟲

次樂先生吳中見寄 官居門巷果園西桃李成陰

杏壓枝如許年芳忙裏過斬新今日試題詩

考舊志棗木巷其東爲匾擔嶺萬麻杭州府志眾安橋北塊西爲下瓦爲混堂巷爲棗木巷今眾安橋脚有匾擔街此卽匾擔之舊徑也游覽志云棗木巷西通石湖橋度其地已入營內又考此橋北出營門卽井字樓

潘閩號逍遙錢塘人以詩名宋成平閒爲滌州參軍卒于泗上初在杭時與道士馮德之約歸骨於天柱山德之囊其骨歸葬焉與王元之孫何柳開魏野最厚著有逍遙集今故

南宋古蹟攷卷下

五

里稱爲潘閩巷在駐防營內

楊誠齋寓在蒲橋見誠齋朝天集幼圃詩引蒲橋在今鹽橋東

楊萬里幼圃有引蒲橋寓居庭有剗方石而實以

土者小子孫藝花窠菜本其中戲名幼圃寓舍

中庭劣半弓燕泥爲圃石爲墉瑞香萱草一兩本

蔥葉蒔苗三四叢稚子落成小金谷蝸牛卜築別

珠宮也思日涉隨兒戲一逕惟看蟻得通考夢

梁錄鹽橋東一直不通水旱橋名蒲橋今橋已塞

改名蒲場巷

劉國禮寓楊萬里劉國禮傳云余故人劉琥字國  
禮武臣也余在朝列國禮調臨安府寨官居閒無  
以自食家于湖州新市久之臨安官期既至國禮  
之官適與余並舍並居一年余以守臨漳去不能  
爲國禮留也

宋器之寓在西馬塍見馬塍稿其寓西馬塍詩注  
云嘉熙丁酉五月寓京遭熱僑房西馬塍

宋伯仁寓西馬塍十畝荒林屋數閒門通小艇水  
灣環人行遠路多嫌僻我得安居卻稱閒樽酒相  
忘霜後菊一時難盡雨中山何時脫下浮名事只

南宋古蹟攷卷下 五

與田翁賸往還考器之名伯仁苕川詩人著有  
雪巖集馬塍稿

呂伯可寓在西馬塍伯可馬塍花窠詩註云寓居  
臨安馬塍作

呂午馬塍花窠老子西塍住今踰十載期栽花成  
茂樹種柳長高枝移接從渠巧傳誇到處知擔頭  
挑買去一是趨時考伯可名午歛縣人嘉定

進士官至起居史院著竹坡類稿官職至  
趙振文寓在城北廂按咸淳臨安志城北廂廳在  
北關外近西馬塍

葉適詩趙振文在城北廂兩月無日不遊馬塍作歌  
美之請知振文者同賦 馬塍東西花十里錦雲  
繡霧參差起長安大車喧廣陌問以馬塍云未識  
餘醜縛籬金沙墻薜荔樓閣山茶房高花何啻千  
金值著價不到宜深藏青鞵翩翩烏鶴袖巖房引  
前金蔣後隨園摘葑煎凍酥小介移牀獻春酒陳  
通苗傳昔弄兵此地寂寞狐狸行聖人有道賁草  
木我輩栽花樂太平知君已在茗水住盡日櫓聲  
搖上渚無際滄波蓼自分有情緣浦鷗徧聚追逐  
風光天漫許拋擲身世人應怒君不見南宮載寶  
回何如趙子穿花去

南宋古蹟攷卷下

周益公寓 在石灰橋益公省齋稿送光祿寺丞德

遠請春詞詩有長安城中初結綬石灰橋畔還卜

鄰之句 昔考石灰橋卽范石湖寓處今觀益公詩

李德遠與益公先同寓于此知當日此地必多官

寓也

廉布寓 在吳山下揮塵後錄廉宣仲布建炎初自

山陽避寇南來攜鉅萬至臨安寓居吳山下陳通

等亂悉爲劫掠不遺一簪 考湯屋畫鑑廉布畫

枯木叢竹奇石清致不俗本學東坡青出于藍自

號射澤老人畫松柏亦奇杭州龍井板壁畫松石  
古木二真得意筆也

王明清寓 在七寶山王明清著有揮麈錄其第三  
錄自序云明清厠跡蹕路假居臨安之七寶山俯  
仰顧盼聚山林江湖之勝于几案間西隱錄定干  
朱子寓 在靈芝寺四朝聞見錄慶元二年韓侂胄  
逐趙忠定遂禁偽學朱文公去國寓居西湖霽芝  
寺平江木川李杞獨叩請得窮理之學有紫陽傳  
授行于世按古跡考後人榜曰紫陽寓居

周昭禮寓 在清波門南兩浙名賢錄云輝字昭禮

南宋古蹟攷卷下

一

周淮海人南渡後寓居清波門南著清波雜志十四  
卷 考輝清波雜志舊本張序作輝邦禮之子麟  
昭之族姪也其清波別志云輝祖居在後洋街第  
宅燬于陳通之亂今韓蘄王府其地也

鄭起水南半隱 在長橋起字叔起原名震號鞠山  
翁連江人所南其子也宋濤祐閒居西湖構室于  
長橋曰水南半隱詳見心史

鄭起卜居 久欲謀歸力不任浮雲踪跡漫築林功  
名未入屠龍手貧賤常懷買鶴心月下開門微雨  
過樓頭聞笛二更深世閒萬事俱陳迹空倚西風

閩古今

杜北山宅 在麴院北山名汝能字叔謙太后諸孫

居西湖之麴院有能詩聲

杜汝能秋日 寂寥籬戶入泉聲不見山容亦自清  
數日雨晴秋草長絲瓜沿上瓦墻生

雲麓漫鈔云杜北山居錢塘之麴院博學工

詩有聲一日賓客咸集共賦湖上鴛鴦北山

得句云閑立綠楊影交眠紅藕花坐客皆爲

閣筆

周弼寄杜北山 一曲小湖濱幽居不厭貧坐容禪

南宋古蹟攷卷下

完

子懋家就麴生鄰檐竹侵燈亂籬花落竈頻幾時  
吟得句寄與豫章人

金淵書堂 在積慶武林舊事樞密金淵號冰壑常

作書堂積慶永清二山右挹平鼎山在左湖山在  
前乃南北二峯之中最高一山理宗御書積慶山

怡顏藏書閣農圃等事以賜之

金一之蓀壁山房 在積慶山巔亦之名應桂號蓀

壁又號積慶山人錢塘人佩楚軒客談云一之雅

標度能歐書受知賈似道晚居西湖作蓀壁山房

考癸辛續志云西湖四聖觀每至昏後有一燈

浮水其色青紅金一之所居在積慶山每夕觀之  
無所差凡看二十餘年矣

考周密與一之同時一之又號積慶山人其居當  
屬積慶山無疑舊志云在風篁嶺蓋因李彭老蓀  
壁山房詞有石逕埋雲風篁嘯晚翠微高處幽居  
之句不知風篁與積慶相鄰彭老亦非專指風篁  
也金淵與一之皆居是山應是一家族姓淵卒後  
一之卽其書堂改築山房亦未可知附載俟考

仇遠贈金蓀壁 黃紙紅旗事已休莫思入谷有鳴

騶天開東壁圖書府人立西湖煙雨樓林淺易尋

南宋古蹟攷卷下

三

和靖隱菊荒空憶魏公遊客來把玩新題扇半似

鐘繇半似歐

胡月山吟屋 在蘇堤

陳允平題胡月山吟屋 蘇公堤上路日日課新吟

流水行花影斜陽臥柳陰斷橋春聽樂矮屋夜鳴

琴皎皎山門月如君一片心

葉紹翁東菴 在錢塘門外九曲城邊紹翁字嗣宗

號靖逸建安人博學工詩嘗居錢塘小隱西湖之

濱與葛無懷相唱和著有靖逸小集

葉紹翁自題寓居 雲補青山缺琴消白日長鷗從

雨外沒蛇入樹閒藏客久衣常黑童鬢髮半黃瑩  
多鄰舍少此意自淒涼 無酒難留客借書方入  
城洗衣知水落貪睡畏窗明野竹藤纏殺枯枝草  
寄生十年林下隱差覺世緣輕

周瑞臣題葉靖逸東庵 一庵自隱古城邊不是山  
林不市塵落月半窗霜滿屋臥聽宰相去朝天詩  
見宋藝圃集

黃順之送葉靖逸 山高積雪明歲序再以畢佳人  
抱書去西湖失顏色清夜獨慷慨詩壇夢生棘我  
有雙鯉魚對之不敢食

南宋古蹟攷卷下

三

紹翁西湖秋晚 愛山不買城中地畏客長檣屋後  
船荷葉無多秋事晚又隨鷗鷺過殘年

紹翁幽居書事 窗開雙佛塔水繞數漁家酒贖霑  
鄰里時平買釣車童閒惟伴鶴樹老自成查枕上  
關心事侵晨掃落花

許棐贈葉靖逸 借我城居一丈寬五車書向腹中  
安聲華馥似當風桂氣味清于著露蘭朝士時將  
餘俸贈鋪家傳得近詩刊回看舊隱西湖上誰伴  
沙鷗度歲寒 考九曲城去菩提院不遠此地爲  
南宋火葬之所貴家甚多故自題詩有瑩多鄰舍



少之句瑞臣詩亦云一菴自隱古城邊至宰相朝天蓋指買秋壑而言緣九曲城在昭慶寺近葛嶺故也據此則東菴當在九曲城邊無疑

羅公升滄州集菩提寺詩一畝方塘幾劫灰哭聲未了笑聲催六橋烟柳相逢處半是菩提拭淚來公自注寺爲臨安人火葬之地在錢塘門外今廢 雍正癸卯張東抹偕厲樊榭石貞石登雲居山憩上方僧舍見磨厓一石僅尺許老僧云此碑三十年前還有臥聽宰相去朝天周瑞臣題十一字未盡剝落據

南宋古蹟攷卷下

五

此則上方菴舊名東菴矣而古蹟攷以爲在九曲城邊恐謬

葛無懷居 在葛嶺無懷名天民始爲僧名義銛號璞翁後返初服居西湖上有姬二人一名如夢一名如幻詳見癸辛雜志據周文璞詩其居當近葛翁丹井

趙師秀題葛翁小閣 樹色對疎樺橫陳一片清微風楊柳下斜日竹稍明此老無塵事雙姝亦道情客來憐素壁題句不題名

葉紹翁題葛無懷隱居 種竹成新列移蘭卽舊陰

老鐺猶有耳古柳已無心得句添杯滿食鑪到夜  
姜深篝燈聊點校春水沒衣砧  
周文璞過葛天民新居  
爲憶空山雨因嗟短髮霜  
幅巾終日仄侍女古時妝烏桕殘林外丹砂舊井  
築旁不留禪月盡只據淨明牀湖鏡秋容淡雲莊晚  
露香汲泉須透脈種粟便成行使鶴過村店攜孥  
上野航極知秦外叟全似賀知章對佛稱居士翻  
經誤法王自將詩檢校猶與竹商量嗟我渾無賴  
非公不作狂莫移松下石老子要乘涼

葛天民自題小隱  
水拍荒籬外山攢落照邊稚鴉

南宋古蹟攷卷下

三

蘇乘犢去鳴鴨伴鷗眠思淡秋雲薄情高隴月圓武  
陵知避世初不爲求仙

薛師石贈葛天民  
逃禪已得計易姓豈云非自說

身如幻常人見亦稀亭邊看荷葉樓上掛蓑衣幾

夜蘇堤月隨君瘦影歸

葉紹翁賦寫天民栽葦  
葉礙漁舟入叢分水閣寬

低徊藏鷺渚彷彿釣魚竿蕩戶和萍送溪翁當竹

間看所憐如許節不耐雪霜寒空山雨固愁

姜石帚寓暉在水磨頭石帚名夔字堯章號白石道

人嘗館手水磨方氏按水磨頭游覽志稱爲小溜

水橋在石函聖堂兩闌之中亦名中龍閣吳文英夢窗丁

稿三姝媚詞註姜白石館水磨方氏

姜夔寓居詩 湖上風恬月淡時臥看雲影入玻璃

輕舟忽向窗前過搖落青蘆一兩枝 秋雲低結

亂山愁千頃銀塘不礙流堤畔畫船堤上馬綠楊

風裏雨悠悠 處士風流不並時移家相近亦相

依夜涼一舸孤山下林黑草深螢火飛人臥榻看

山綠漲天角門長泊釣魚船而今漸欲拋塵事未

了菟裘一悵然

姜夔臨安旅邸答蘇虞叟絕句 垂楊風雨小樓寒

南宋古蹟攷卷下

姜宋玉秋詞不忍看萬里青山無處隱可憐投老客

長安

葛天民清明訪白石不值 花簪懸燈柳插檐老懷

那得似鴛甜畫船已載先生去燕子無人自入簾

高菊礪寓 在孤山見雪岩集菊礪名翥字九萬姚

江人其喜杜仲高移居詩有我亦買山湖上住之

句知其曾居湖上也考淳祐元年菊礪卒湖上

宋伯仁訪高菊礪 可惜吳中不見君短篷空載一

溪雲知君已到孤山下日日梅花酒半醺

孫花翁隱居 翁名惟信字季藩城花翁開封人居

婺光宗時棄官隱西湖詳見後村所作墓誌據伯仁詩其居當近蘇堤

宋伯仁尋孫花翁 東風吹雨濕西湖未許蘇堤酒  
贖沽試向花翁問花信不知花似去年無

周弼孫季藩故居 笑語失恢諧人誰不愴懷  
夢殘秋雨寺魂散夕陽街缺竈黏煎藥乾爐積燎柴風  
流何必葬更擁菊花埋

杜範次花翁冬日韻 蕭然僧舍一柴扉淡泊如君  
眼底稀山澤肯爲仙骨瘦襟懷自得遯身肥有詩  
盈帙遮空橐無酒留賓典故衣一棹稽山風雪裏

南宋古蹟攷卷下

三

便應興盡雪中歸

趙紫芝寓 紫芝名師秀永嘉人以詩聞與翁卷徐  
照徐璣號永嘉四靈游覽志師秀旅寓杭州有終  
焉之志戀戀西湖以終其身觀港小只通閒客棹  
及柳遮船步水句應在湖灣

趙師秀借居湖上 出仕歸來貧似舊借園偶近畫  
橋居縱觀不用春攜酒清坐何妨夜讀書港小只  
通閒客棹樹低多礙故人車向時塵裏緣塵土久  
欲湖邊住歲餘

師秀柳下書齋 轉曲認幽棲齋名壁上題柳遮船

步水草出瓦溝泥養靜拋書冊銷閒倚杖藜誰知  
鳳城外宛是武林溪

薛夢桂方厓小隱 在五雲山浩然齋雅談夢桂字  
叔載號梯巖永嘉人南宋時擢高科通京籍風度  
清遠所居西湖五雲山曰隔凡關曰林壑甕通命  
之曰方厓小隱諸名士莫不納交焉儷語古文詞  
筆皆灑落不特詩也

韓仲止寓 在五雲山南澗仲止名澗號澗泉元吉  
之子有高節從仕不久卽歸信上工詩與徐文卿  
斯遠趙蕃昌父齊名著澗泉集曾寓五雲山之南

南宋古蹟攷卷下

美

澗見宋詩紀事

翁卷南澗尋韓仲止不遇 樹樹有佳色山蟬不住

吟掬泉南澗水清茗主人心屋上雲飛冷籬根蘚  
積深留詩在巖壁明日更相尋

徐文卿南澗小飲夜過景德次仲止韻 嫩柳行邊  
行未匝落梅香裏立多時一杯徑醉歸來晚江上  
伶俜瘦影隨

劉松年宅 在清波門錢唐志補云松年畫院學士  
紹熙年待詔畫院師張敦禮工人物山水後名過  
于師寧宗朝進耕織圖稱旨賜金帶世稱閭門劉

蓋清波門亦名閣門

孫靖菴映雪齋在西湖上有號靖菴者前明孫雪

居遠祖汴之杞縣人隨蹕南渡居武林仁宗延祐

初曾舉鄉試後辟行省為迪功郎上饒縣錄事歸

築映雪齋于西湖之上元末浙東亂遷于松江見

眉公孫雪居傳雪居高情逸致書畫為人所寶不

知其祖乃杭人也

衛涇寓在六和塔四朝間見錄衛涇字清叔自僉

幙奉召不入國門翱翔于江上之六合塔蓋六和

塔南宋時亦稱六合也

南宋古蹟攷卷下

其奏疏直節凜然不徒以

馬翔仲寓在六和塔癸辛雜志云咸淳甲戌之夏

丞相馬公廷鸞字翔仲以翻胃之疾乞去甚苦凡

十餘疏始得請則疾已棘矣以暑甚疾危不可卽

途寓于六和塔子受公知問日必出問之時公僵

臥小榻無姬妾止一村僕煮藥其傍

考翔仲家有碧梧精舍又

郭子度居近禁苑

許棐書郭子度壁禁苑精廬是切鄰衣巾雖舊不

沾塵鐘魚聲裏吟連曉花柳香中醉過春和土重

文見  
長  
宋  
合  
出  
其  
樂  
集  
十  
卷  
讀

泥燒藥竈買絲親接釣魚綸繞湖十萬人家住如  
此清閒有幾人

朱少章寓 在錢塘門白龜池兩浙名賢錄弁字少  
章婺源人高宗遣使問安兩宮爲通問使十二年  
和議成始得歸獻金國所得六朝御容及宣和御  
書所述北方事狀秦檜沮之僅轉奉議郎未幾以  
疾卒於臨安府白龜池之寓居

徐度居 在侍郎橋揮塵錄云徐丈敦立爲貳卿明  
清偶訪之坐閒問曰度今此居侍郎橋何耶明清  
卽應以仁宗朝郎簡杭州人以工部侍郎致仕居

南宋古蹟攷卷下

三

此里人德之遂以名橋兩朝國史本傳簡字簡之  
王荆公有寄郎簡之詩敦立大喜曰博聞如此可  
謂俊人矣

考敦立名度作卻掃編侍郎橋夢梁錄云在羅漢  
洞巷對按羅漢洞巷近清河坊疑今之惠明巷萬  
厓杭州府志云侍郎橋在旗纛廟西今塞余按此  
橋與普濟施家兩橋相接當在今內行宮前

張子韶凌季文居 在清湖河今俗名運司河咸淳  
臨安志云張九成錢唐人徙居鹽官老學庵筆記  
高宗駐蹕臨安而狀元張九成亦貫臨安時以爲

氣運所在攷夢梁錄記人物云張九成字子韶凌  
景夏字季文並舉二人與玉照志所云相符玉照  
新志云張子韶與凌季文俱武林人少長同肄業  
鄉里宣和末居清湖中時東西兩岸居民稀少白  
地居多二人同步河之西見一婦人在前衣妝楚  
楚因縱步覘之常不及焉至空迥處忽見回顧二  
人而笑真絕色也方欲詢之乃緩涉水西而東二  
人驚駭而退

杜仲高寓

在清湖河仲高名旃蘭谿人著癖齋小

集與兄伯高弟叔高季高幼高負時名人稱金華

南宋古蹟攷卷下

三

五高旃遊行省不歸由城外移居清河見高菊礪

集

杜旃旅館書懷呈陳祕監二首

結樓臨交河虛檐

映疏櫺朱闌俯長衢開簾出娉婷修蛾接青鬢明

眸燦流星急管催飛觴歌聲入青冥中宵逮明發

燈燭光熒熒嗟爾幽窗下書生抱遺經 我昔別

家時父母向我言道塗多風波願兒早言旋客游

不稱意欲歸心茫然弱翎乘高風吹墮青天邊白

雲時往還念念涕潺湲安得河畔草化作堂前萱

高翥喜杜仲高移居清湖

笑移鷄犬入城居無復



游從嘆闊疎河水通船堪載酒桐陰近屋可修書  
飯香猶憶辛田米稼軒爲仲高開山田羹美何慚  
丙穴魚我亦買山湖上住效芹時擬貢園蔬

武適安寓在清湖河適安名衍字朝宗汴人以詩  
名著寶慶間有適安藏拙稿方萬里稱其詩情致  
亶亶多有可筆于丹青者所居有池亭竹木之勝  
命曰適安卽以自號

武衍次韻答菊莊湯伯起數方疏地一方池吾愛  
吾廬只自知蘆碧補交楊柳缺裡紅攬上藕花遲  
翠陰團合疑無日涼意蕭疏賸有詩君欲重來須

南宋古蹟攷卷下

甲

更待嫩烟浮動晚晴時

陳起題適安清湖寓居薰風軒檻曉晴開鬱鬱桐  
陰手自栽二水合流當戶過一山分影入樓來琴

逢良友時揮弄詩欲名家巧剪裁可羨一廛安所  
適紛紛車馬汨黃埃

程泰之讀書處在長耳相院二老堂雜記云壬午  
去三日己亥晴與芮國器程泰之蔣子禮出暗門止  
風篁嶺酌龍井入聖壽寺午飯後過長耳相院泰  
之讀書處也與國器奕于山亭小酌而去泰之名  
大昌官龍圖閣直學士

葉延年寓居 在湖上雪江書堂紫霞偶筆云葉延年吳興人淳熙中官富陽主簿嘗寓湖上之雪江書堂有句云一夜西風驚客枕滿堤楊柳作秋聲胡賢良忱與之善向予恆道之

岳珂寓 在三橋亦稱三橋子珂字肅之號倦翁武穆孫霖之子著玉楮集金陀粹編北宋宮詞百首倦翁故居玉楮有初還故居詩按詩語在宮亭西

岳珂夢尙留三橋旅邸 天上歸來打六更夢回搔首正曹騰玉繩初上三橋月絳綵猶明九市燈聲徹銅魚催勘箭影斜金鷓在觚稜帝鄉東望重回

南宋古蹟攷卷下

四

首佳氣何時到五陵

岳珂初還故居 元是廬山莫逆交宮亭西畔著衡茅盟鷗似怯經新浪怨鶴還知宿故巢一沼種蓮衣可製萬竿脫籜杖輕敲不須海若猶然笑乞與杯堂樂芥坳

方虛谷寓 在三橋虛谷名回字萬里徽人也寓杭之三橋旅樓有二婢曰周勝雪劉玉榴方遊金陵勝雪者爲豪客挾去方歸悵惋作詩有鸚鵡籠開綵索寬一朝飛去爲誰歡之句詳見癸辛雜志

方回大雪出三橋寓樓 凍雀愁鳶蔭不諱漫天浩

瀚逐風斜映樓橫過三千丈接屋平鋪十萬家靜  
夜有窗皆貯月寒空無樹不開花詩成欲撚冰鬚  
斷聊舉深杯答歲華

何湛寓 在三橋夷堅志載括蒼何湛涓熙間赴省  
試館三橋旅邸揭榜之夕有登橋聽響卜事攷夢  
梁錄云韓府南曰將軍橋次曰三橋子是三橋子  
之名由來已久錢塘縣志稱三橋俗名三橋子特  
未深考耳

張雯寓 在宗陽宮張雯字子昭嗜書力學宋亡不  
求仕達隱跡宗陽宮時從故宮老校搜訪宋代遺

南宋古蹟攷卷下

三

事凡朝廷宗廟宮室輿服朝會宴享之事咸得其  
詳所著有維潛錄德壽宮紀略見宗陽宮志

周密故居 在曲阜橋密字公謹其所著浩然齋雅  
談云余家向有小廨在杭之曲阜橋每夕五鼓聞  
早朝傳呼之聲雖大風雨雪中亦然于是嘆虛名  
之役人也如此旣而壁閒得一絕云霜拂金鞍玉  
墜腰鄰雞催喚紫宸朝爭如林下饒清夢殘月半  
窗松影搖頗得予心之同按舊志曲阜橋近紅蓮  
花白蓮花橋今人駐防營

周密癸辛街居 在楊和王府側大滌洞天記癸辛

街楊府瞰碧園有茂林修竹之趣剡原文鈔周公  
謹與杭楊承之大受有連依之居大受和武恭王  
之諸孫其居苑籟引外湖之泉以爲流觴曲水大  
受指其地之西偏以居公謹故公謹遂爲杭人其  
地爲癸辛街因作癸辛雜志 考楊和王建子第  
于府側取癸辛向其門巷曰癸辛街據游覽志云  
和王府在玉蓮堂北按玉蓮堂在錢塘門稍南剡  
源文鈔又云引湖水入城當在湧金門與錢塘門  
相接處與今營內洪福橋近

陳隨隱寓

近宮禁隨隱名世崇字伯仁崇仁人陳

南宋古蹟攷卷下

三

郁之子隨父入宮禁乃充東宮講堂說書後任皇  
城司檢法其寓近宮禁著隨隱漫錄

劉彥朝贈陳伯仁詩

坎止流行只任天吟廬新榜

紫薇邊夜窗低過宮花月曉巷深橫御柳烟五字  
有同餘子說一燈親自乃翁傳雖然不作功名念  
卻恐功名逼少年

米元暉寓居

蘭亭續攷紹興十六年歲次

丙寅懶拙翁米元暉在行朝天慶觀東私居

書航之北窗跋

陳宗之居在睦親坊今弼教坊方虛谷瀛奎律髓

注陳起字宗之能詩著芸居乙稿凡江湖詩人皆與之善居睦親坊賣書開肆自稱陳道人余向至行在所猶識其人今近四十年肆燬人亡不可見矣攷宗之係錢塘人寧宗時鄉貢第一時稱陳解元事母至孝居睦親坊開肆鬻書以奉母嘗取江湖間名人小集數十家選爲江湖集時史彌遠當國起有詩云秋雨梧桐王子府春風楊柳太師橋寶慶初李知孝爲言官見之彈章于是江湖之士同獲罪者六人而起坐流配焉

趙師秀贈賣書陳秀才詩

四圍皆古今永日坐中

南宋古蹟攷卷下

四

心門對官河水檐依柳樹陰每留名士飲屢索老夫吟最感書燒盡時容借檢尋

鄭斯立贈陳宗之

昔人耽隱約屠沽身亦安矧伊

叢古書枕籍于其閒讀書博詩趣鬻書奉親歡君能有此樂冷淡世所難我本抱孤尚爲貧試彈冠欲知南薰琴秋風歛戒寒怙分無外相賸有日晷閒閱書于市塵得君羈思寬誦其所爲詩刻苦雕肺肝陶韋淡不俗郊島深以艱君勇欲兼之日苦夜辛酸京華聲利窟車馬如浪翻淡妝誰爲容古曲誰爲彈桐陰覆月色靜夜獨往還人皆掉臂過

我自刮眼看百年適志耳豈必身是官不見林和靖清名載孤山

劉克莊贈陳起 陳侯生長紛華地卻以芸香自沐薰鍊句豈非林處士鬻書莫是穆將軍雨檐兀坐忘春去雪案清談至夜分何日我閒君閉肆扁舟同泛北山雲

葉茵贈陳芸居 氣貌老成聞見熟江湖指作定南鍼得書授與世人讀選句長教野客吟富貴天街分耳目清閒地位當山林料君閱遍興亡事坐對蕭然一片心

南宋古蹟攷卷下

望

張弋夏從陳宗之借書偶成 自從春去後少省出柴扉樹暗雅巢隱檐空燕跡稀憶山憐有夢當暑詠無衣案上惟書滿多應借得歸

考師秀詩有門對官河水句其書肆當在今彌敦坊棚橋河邊又按南宋六十家小集刊于臨安府棚北大街陳氏書籍鋪者錢唐陳思彙集故人稱起爲陳道人稱思爲小陳道人

南宋臨安書籍鋪著名者三人皆隸錢唐而兩陳又都以售書賈禍又都以道人稱一爲陳思彙刻兩宋名賢小集書尾刊於臨安府

棚北大街陳氏書籍鋪是也一爲陳起自稱  
陳道人在睦親坊開書肆能詩江湖詩人多  
與之游一爲小陳道人亦賣書者爲賈似道

編管

閻秀朱淑貞居在大瓦巷淑貞錢唐人著斷腸集  
世居桃村能詩嫁爲市井民妻不得志沒相傳有  
故居在大瓦巷按大瓦巷北通寶康巷又爲駐防  
地與積善坊灰團巷近今又改爲民居

朱師古小樓

在城內近西湖處楊誠齋朝天集有

正月二十四日朱師古少卿招飲小樓看燈二絕

南宋古蹟攷卷下

吳

句

宋詩紀事師古蜀人孝宗朝著作郎

楊萬里朱師古小樓看燈

其二

南北高峰醒醉眸

市喧都寂似岩幽君言去歲西湖雨城外荷聲盡

入樓

陳慤宅在萬松嶺宋濂陳大倫墓碣云其先宋國

子助教且自宣城徙杭之萬松嶺且生慤字公實

有文學一時名人如范元卿陸務觀辛棄疾咸與

之游

陳文肅公寓人在貓兒橋文肅名文龍字志忠一字

君賈興化軍人咸淳四年廷對第一累參知政事

三柳軒雜志云陳文龍度宗朝狀元德祐末歸守  
本州北兵入閩不屈生縛之至杭病卒于杭之貓  
兒橋巷

貓兒橋本平津橋也東坡申三省狀已呼貓  
兒橋是宋時已有此名非盡後人之誤也考  
本傳興化軍降元被執合沙不屈死蓋因文  
肅公有元兵俘至合沙詩寄仲子七律故不  
言生縛至杭也今西湖葛嶺智果寺旁有陳  
文肅公墓其卒于杭可信當從三柳軒雜志  
湖山便覽云公葬之次日墓上忽生刺竹人

南宋古蹟攷卷下

望

以爲忠義所感

謝翱寓當近沂王園宋詩紀事翱乙未八月寓杭  
終于婦劉氏舍方鳳謝皋羽行狀甲午寓杭劉氏  
妻以女至是買屋西湖日與能文詞者往還乙未  
由睦之杭肺病作八月壬子終考胡翰謝皋傳云  
居錢塘病革語妻劉曰我死必以骨歸方鳳葬我  
許劔之地後友人方鳳吳思齊輩歸骨葬于釣臺  
從初志也

明旌德觀志謝翱傳至元甲午來杭家湖上  
乙未歿年四十七方鳳吳思齊輩葬之子陵



臺南初翱以朋友道喪作許劒錄鳳輩爲築

許劒亭于墓右

謝翱廢居行 海濤翻空秋草短白蛇入窠啖雀卵

經年廢屋無居人孕婦夜向船中產歸來多雨曰  
生魚穴蟲祝子滿戶樞鄰家置屋供官役買得沂

王園令宅

俞商卿居 在九里松商卿名灝世居杭紹熙四年

進士東淮宣撫邱審令理宗寶慶二年致仕築室  
九里松自號青松居士有詩嗣集

俞灝湖堤晚行 暝色俄從草色生管絃羅綺盡歸

南宋古蹟攷卷下

吳

城不應聞卻孤山路我自扶藜月下行

俞知閣宅 在雲棲寺雲棲紀事云建寺時掘地得

斷碑題曰宋隨龍俞知閣宅界旁爛石間隱隱有  
詩蓋知閣護蹕南渡因家于此

鄭渭濱寓 在孤山四聖觀渭濱與徐集孫杜北山

相唱和見集孫所吟稿

徐集孫春日訪四聖觀鄭渭濱 訪集孤山去桃花

觀裏春迎香開道室借酒酌吟人琴操音還古盤  
蔬味卻眞斜陽各分散一水隔紅塵

徐集孫休日招李山房杜北山訪渭濱秋浦于孤山

卽席用韻 凜凜仙風匝葑田徘徊懷古事茫然  
眼空湖海無塵累身在蓬萊有宿緣孤策遍尋儲  
鶴地偏提自汲煮茶泉詩家眷屬通詩譜不枉微  
官住日邊

鄧林孤山訪渭濱不值 寂寞石琴臺香雲撥不開  
多知騎鶴去自欲買舟來葑岸春回草山亭雨謝  
梅懷人成悵惘日暮惜空回

周弼寓 在唐棲寺弼字伯弼汶陽人文璞子博聞  
強記有俊聲嘉定閒登進士曾令江夏著有端平  
集二十卷集中有留別唐棲雲泉上人及留題唐

棲寺詩

南宋古蹟攷卷下

兪

周弼留別唐棲雲泉上人 水宿唐棲寺何緣更浹  
旬千山今日路三載異鄉人小殿眠身佛空廊折  
臂神歸時重作禮又拂一番塵

周弼留題唐棲寺 僧房十日相留戀爲怯生寒未  
到家插岸斷冰妨蕩槳入檐飛雪助煎茶香臺穴  
碎逃秋蟻古殿巢翻失暮雅惟有溪梅最禁耐傍  
籬爭發向陽花

姚鏞寓 未詳定處鏞字希聲一字敬菴號雪篷剡  
溪人嘉定進士爲吉州判官以平寇功擢守章貢

著雪蓬稿賃宅詩有及春游帝里賃宅似吾家之

句

姚鏞賃宅詩 及春游帝里賃宅是吾家雨溜生春

艸風牀受落花病多添老懶慮淡遠紛華時與幽  
人遇燒香煮茗芽

駱秀才故廬 在合澗橋見橘潭詩稿

何應龍題駱秀才葺故廬詩 家在西湖合澗橋短

籬圍得數椽茆歸來頗費支撐力羞見春風燕子  
巢

葛起耕寓 未詳定處起耕字君顧丹陽人陳起選

南宋古蹟攷卷下

辛

其詩入江湖集

葛起耕秋寓都城次趙君瑞韻 催破橙香薦菊黃

快斟新酒潤詩腸雁拖冥色橫秋水鴉帶寒聲噪

夕陽萬事莫如花下醉百年渾似夢中狂登高休  
負湖山約約買扁舟載豔妝

錢謙齋新居 在杭城外謙齋南宋人見梅屋集

許棐錢謙齋新居 住破吳松江上屋杭州城外結

新廬未尋陸羽烹茶具先借淵明種菊鋤山入樓  
中成好句月來窗下伴殘書御街車馬無行處誰

肯抽身覓退居

黃佑甫寓 在湖山見靖逸小稿寄湖上黃教授佑

甫 門幽緣近寺官冷不成家樓借山爲障風吹

水作花詩方酬北礪經又節南華聞說新雛鳳賓

來解喚茶

程秘寓 秘字懷古休寧人寧宗時除宗正簿尋直

學士院理宗初兼侍讀除禮部尙書慶元丁巳十

月奉親如臨安宿西善寺表弟吳克仁俱焉有詩

紀事見沼水集

陳允平旅舍 地未詳允平字衡仲又字君衡號西

麓蘄縣人試上舍不遇放情山水著西麓小稿半湖

南宋古蹟攷卷下

五

樓亦是其旅舍

陳允平錢唐旅舍 雲山千萬疊身事恨悠悠客鬢

秋風急鄉心夜雨愁蛩鳴鄰寺壁雁過隔湖樓目

送千帆遠長江空自流

徐集孫寓 在湖上近北山集孫字義夫建安人理

宗時常仕于浙西湖題咏尤多著竹所吟稿二卷

其謝林可山序詩不枉西湖住兩年又有孤山在

望何時雪問訊梅花策瘦藤之句

徐集孫杜北山同石峯僧來訪 梅花同伴瘦一瘦

昔有誰過歲事那堪晚心期未易多杯深和月吸硯

冷帶冰磨山暝歸鴉急相分獨奈何幽人不語  
徐集孫鄭渭濱過訪兩社北山諸友繼至惜乎招石  
峯月溪禪不來人未見南枝與北枝一清誰可  
話襟期不嫌添客重行酒所欠惟僧共說詩竹影  
因風和雀動水聲帶雨啟鷗疑黃昏緊閉寒扉坐  
自展韋編對伏義

吳龍翰寓地未詳龍翰字式賢新安人宋亡不仕  
著古梅吟稿

吳龍翰京城寓居春日春城庭院柳風輕簾影瓊  
瓏愛晚晴紅日半窗吟夢覺呬啞牆外賣花聲

南宋古蹟攷卷下

五

汪莘寓在湖上莘字叔耕休寧人卓犖負俊才嘉  
興定閒應直言詔書上不報楊慈湖稱其皆憂國愛  
君之言晚年結廬柳塘自號方壺居士稿中有西

吳湖閒居詩

汪莘夏日西湖閒居急管繁絃樽俎閒何人靜眼

對湖山怪來水面無鷗鷺多在殘蒲落照灣修

竹祠堂曲水濱寒泉菊盞久埃塵道傍車馬無心  
到似我頻來有幾人未醉把青荷當箬笠亂披荷

葉作蓑衣漁翁家在蓬瀛上欲駕蓮舟帶葉歸  
藕帶嚼來殊解渴花香聞得亦忘飢幽人不起槐

花課收得西湖幾句詩

俞桂居

地未詳桂字晞郤錢唐人紹興五年進士

常出守海濱仕後有寓京二絕曾與吳惟信陳起

以詩文相往復著有漁溪詩稿所居名東山今已

不可問矣

俞桂寓京

一官護落笑如初只合空山去讀書不

稼不漁無活計漫將名字玷公車

車馬紛紛厭

軟紅湖邊秋意屬西風木犀初放荷花老買个船

兒學釣翁

桂字希郤仁和  
人見宋詩紀事

俞桂東山

東山隨分作生涯卽是清高隱者家麤

南宋古蹟攷卷下

垂

有小園供日涉不愁無地種梅花

吳惟信寓

惟信字仲孚雲川人居華亭白鶴村詩

名籍甚著菊潭集在臨安移居卽事詩有隨分長

安辨一廛之句

吳惟信移居卽事 山移無復昔人賢隨分長安辨

一廛掃室敢言天下事閉門儘可雪中眠攜瓶與

客同沽酒接纒過鄰自汲泉到此始知閒是福居

山未必似居仙

半湖樓

在湖上見朱繼芳靜佳龍尋稿 陳允平

四明人詩中四明仙客疑是允平寓樓

朱繼芳和秋房題半湖樓 天目飛來第幾峰峰前

著屋貯虛空濕雲低亞勾欄角缺月斜窺戶牖中  
一水東西添柳岸兩山南北欠樵風住家欲作千  
年計頃刻陰晴便不同 四明仙客此樓居畢竟  
西湖壓鑑湖曾謂家僮欺賀老不如沙鷗認林逋  
蒲根釣水知深淺柳外行人乍有無此景天公厭  
多取只分一半屬吾徒

陶處士水竹居 處士忘其名西湖百詠注陶家廂

在留下禁酒牌後宗理宗朝有陶處士隱此建水  
竹居

南宋古蹟攷卷下 著

胡仲參寓 地近城參字希道清源人負才遊京師

所與居交皆一時知名士著有竹莊小稿

胡仲參夜坐與伯氏葦舸對床閱江湖詩偶成 對

床因話弟兄情話到山林世念輕几上江湖詩一  
卷窗前燈火夜三更茶經未展人先爽香片纔燒  
味較清吟罷忽聞城角動石橋霜曉有人行

胡仲參夜來聞曾性之邱君就二友隔樓吟聲不絕  
以詩柬之 看月歸來深閉門衾寒時倩博山温

隔樓忽聽吟聲苦引得清愁入夢魂

陳紫芝居 在北高峯東按靈隱寺志紫芝名崇真

閩人咸淳間卜居北高峰東俗名慶化山祈禱有  
應賜號冲素真人後卒閩瘞劍靈隱雷院後

黃營寓 在湖上南北山間宏簡錄營常從朱子學  
累官大理寺簿憤時不樂閒行西湖慨然曰吾昔  
住南北山一水一石無不品題今無復情況何耶  
陳淵寓 淵字知默號默堂沙縣人權之猶子也著  
有默堂集寄伯思詩有鳳凰山下蕭齋句當近大  
內

錢唐學中寄伯思六言詩 部伍亭前歸路鳳凰山

下蕭齋我自無聊不住君如有意重來

南宋古蹟攷卷下

畫

俞堪隱寓 括蒼俞文豹字文蔚號堪隱淳祐三年  
其自序吹劍錄云余以文字之緣漫浪江湖四十  
年今倦遊寓居京國心迹稍寧掩關守泊條理故  
書以昔所聞與今所得信筆錄此

何應龍居 近山應龍字子翔號橘潭錢唐人嘉泰

進士曾知漢州著有橘潭詩稿彙中有居家小園

二絕句

何應龍居家小園 居家到底勝居官啼鳥聲中晝  
掩關待得小園花落盡更須攜酒對青山 地占  
方方十丈寬已栽花木四時看客來莫笑生涯薄



窗外新添竹數竿

李性傳居 在李博士橋考性傳字成之嘉平四年  
舉進士進對有崇尚道學之名未遇其實帝曰實  
者何在性傳對曰在陛下格物致知以爲出治之  
本遷武學博士尋爲太常博士後官至觀文殿學  
士致仕卒特贈太保爲武學博士時居此巷以修  
武志故名其橋曰博士橋巷曰武志坊巷

李景文寓 在南湖見張弋秋江煙草景文名未考  
亦詩人也

張弋李景文移居 能詩留幕府借宅近南湖吏去

南宋古蹟攷卷下

姜

少公事客來多釣徒雪爲今夜雨梅發去年柯爾  
我同州住相過路不迂

黃由寓樓 在天井街卽今小井巷夷堅志清熙辛

丑平江黃景祥來臨安赴特恩試寓于天井街其  
子由共處一樓上由旣預貢闈正奏名矣二月旣  
望雷聲軋然起震動樓居祥語子由曰雷威氣燄  
可畏如此自揣父子生平無他過惡遂掩戶而坐  
郵客多徙避他舍凡五夜乃息未幾由廷對爲第

一人

周紫芝寓 在西湖上紫芝字少隱宣城人紹興中

居陵陽山兩以鄉貢赴禮部俱下第力學益苦年  
六十一始以廷對第三人出身歷官右司員外郎  
出知興國軍秩滿奉祠歸居廬山著有太倉稊米

集

周紫芝湖居無事日課小詩 茶了詩窗飯後杯兒

書未熟急須催鳥于花外喚客出山自眼前將句

來 老向華胥占一窗無心更夢小行廊城居可

是湖居好詩味頗隨茶味長

周紫芝湖居春曉 雨後春湖拍拍流近門誰繫兩

三舟水邊寒食飛雙燕柳外斜陽臥一牛 數日

南宋古蹟攷卷下

七

東風緊閉門小桃知有一枝新花飛不復到老眼

可是春寒欺得人

周紫芝將別湖居二首 昔來常判武林憑來作西

湖樹下僧又作移家新活計卻攜行腳舊枯籐

西子湖邊一短窗幾年和雨看湖光青山換得微

官去魚鳥應須笑漫郎

程迥居 在前洋街睽車志程迥伊川之裔紹興入

年居臨安之前洋街門臨通衢垂簾閉戶一日有

如燕自外飛入倚着堂壁乃一美婦長可五六寸

自言玉貞娘子至期年飛去不知所在余考宋史

儒林傳迥字可久應天府人靖康之亂徙紹興之  
餘姚孤貧飄泊無以自振二十餘始知讀書時亂  
甫定西北士大夫多在錢唐迥得以考德問業焉  
登隆興元年進士歷揚州泰興尉前洋之居殆就  
史學錢唐時曾居于此

留昭文隱居 在花村見攻媿集

樓鑰訪留昭文于花村山閒不得見 黃扉處士掩

松關小立松風去住難可嘆山中真宰相未容神

武掛衣冠

倪正甫寓 在新橋馮封椿家書院見經鋤堂雜志

南宋古蹟攷卷下

五

宋史正甫名思湖州歸安縣人乾道二年進士博  
學宏詞科仕至尚書立朝屢著直言頗干韓侂胄  
後史彌遠拜右丞相以檜論麻制罷職久之除寶  
文殿學士提舉嵩山崇福宮卒贈文節著有經鋤  
堂雜志

史達祖寓 在西湖西山下達祖字邦卿其先汴人

姜白石稱其詞奇秀清逸張功甫云織綃泉底去  
塵眼中著梅溪詞二卷集中西湖月下詞有同住  
西山下之句考西山卽靈隱山明永樂閒王溟有  
遊西山記載靈隱寺志

史達祖西湖月下調賀新郎詞 同住西山下是天  
地中閒愛酒能詩之社船向西陵佳處放塵世必  
無知者暑不到雪宮風榭楚竹忽然呼月上被東  
西幾葉雲縈惹雲散去笑聲罷 清樽莫爲嬋娟  
瀉爲狂吟醉舞毋失晉人風雅踏碎橋邊楊柳影  
不聽漁樵閒話更欲舉空杯相謝北斗以南知有  
幾想吾曹便是神仙也問今夜是何夜

王繼先居 在豐樂橋繼先古豐樂橋官地屋宇雄  
麗都人謂之快樂仙宮按繼先係醫官顯仁太后  
御慈寧宮服其藥隨愈優游東朝幾二十年克副

南宋古蹟攷卷下

堯

高宗盡孝之意嘗于宅傍創一別館畜臨安名妓  
劉榮奴其子悅道則畜金盼之令妓女時作歌舞  
聞淵聖升遐乃令妓女舞而不歌舉手頓足爲戲  
名爲啞樂又於湖州舊館別創大第自都下載見  
錢二十萬貫前往排塚謂之鎮宅錢已而繼先恃  
寵舉朝阿附至有稱門生者太后上仙竟黜福州  
卒事見白獺髓三朝北盟會編

董靜傳書樓 在孤山張炎山中白雲詞有自東越

還西湖飲靜傳董高士書樓詞董名嗣杲寄跡黃

中冠著有西湖百詠

仇遠董靜傳掛冠孤山四聖觀詩 靜拔秋渌洗荷

衣閒隱孤山隻鶴隨得酒可謀千日醉掛冠猶恨

十年遲雲和家有仙人譜石鼎今無道士詩莫對

梅花談世事此花曾見太平時

胡雪江講堂 武林舊事云在第四橋清祐中婺州

布衣胡侂充三賢堂長設講於此侂號雪江著有

錦囊集

胡應龍寄胡雪江 借得官亭小似船六橋風月友

三賢芙蓉未發荷花老一點詩情若箇邊

南宋古蹟攷卷下

本

三賢芙蓉未發荷花老一點詩情若箇邊

世飄蕭寄附第 小殿殿六朝風月友

錦囊集

借得官亭小似船六橋風月友

世飄蕭寄附第 小殿殿六朝風月友

錦囊集

借得官亭小似船六橋風月友

世飄蕭寄附第 小殿殿六朝風月友

南宋古蹟攷卷下終 山四聖講堂 精對綠酒香

南宋古蹟攷爲郭西朱青湖先生簪也嘉慶丙辰仲冬郭西不戒於火先生室廬卒被是災而古蹟攷一書蕩爲灰燼當時先生扼腕長嘆謂不及錄副爲憾此冊僅存城郭宮殿園囿寓居四攷實全書中鱗甲耳乃先生門弟子徐鉞傳鈔時亟錄之己卯長夏余授經閩門俞氏借閱是書愛其條分縷析大有助於吾鄉掌故惜其中有未滿意於不佞者如清湖河一條攷中顛指運司河一窪未免鑿矣不知周淙涪祐臨安志載清湖河自流福溝引湖水入城潺湲東流至眾安橋而止皆謂清湖又按陳宗之題武衍寓居

南宋古蹟攷跋

空

清湖河詩云二水合流當戶過一山分影入樓來以近日形勢攷之當在今駐防營八字橋左右爲是而清湖河之名於是乎有左證今運司河安得有二水合流之蹟乎豈先生未覩涪祐志耶抑削而不書耶惜九京已往質證無由不敢以私意阿先生者實欲傳之無窮爲後代修志者采擇焉因不揣譎劣略有增注重錄淨本方之吉光片羽不啻與徐子其相欣賞也嘉慶己卯又四月上澣吟竹鎖成跋

南宋古蹟攷爲郭西朱青湖先生簪也嘉慶丙辰仲冬郭西不戒於火先生室廬卒被是災而古蹟攷一書蕩爲灰燼當時先生扼腕長嘆謂不及錄副爲憾此冊僅存城郭宮殿園囿寓居四攷實全書中鱗甲耳乃先生門弟子徐鉞傳鈔時亟錄之己卯長夏余授經閩門俞氏借閱是書愛其條分縷析大有助於吾鄉掌故惜其中有未滿意於不佞者如清湖河一條攷中顛指運司河一窪未免鑿矣不知周淙涪祐臨安志載清湖河自流福溝引湖水入城潺湲東流至眾安橋而止皆謂清湖又按陳宗之題武衍寓居



